

唐  
詩  
紀

T5237.47/4831(21)

HARVARD-YENCHING LIBRARY  
HARVARD UNIVERSITY  
2 DIVINITY AVENUE

Gift of Hart  
SEP 12 1903

唐第二十八

唐詩紀八十八

哈佛大學哈佛燕京  
圖書館珍藏印

滁陽方一元彙編

海寧方天眷重訂

高適四

七言古詩

行路難二首

長安少年不少錢能騎駿馬鳴金鞭五侯相逢大  
道邊美人絃管爭留連黃金如斗不敢惜片言如  
山莫棄捐安知顛顛讀書者暮宿靈臺私自憐

君不見富家翁舊一作昔時貧賤誰比數一朝金多

結豪貴白事勝人健如虎子孫成行一作生長滿眼前

妻能管絃妾歌一作能舞自矜一身忽如此却笑傍

人獨愁苦東鄰少年安所如席門窮巷出無車有

才不肯學干謁何用年年空讀書

### 秋胡行

妾本邯鄲未嫁時容華倚翠人未知一朝結髮從

君子將妾迢迢東魯陸時逢大道無艱阻君方遊

宦從陳汝蕙樓獨卧頻度春彩閣辭君幾徂暑三

月垂楊蠶未眠攜籠結侶南陌邊道逢行子不相

識贈妾黃金買少年妾家夫婿經離久寸心誓與

長相守願言行路莫多情道妾貞心在人口日暮

蠶饑相命歸攜籠端飾來庭闈勞心苦力終無恨

所冀一作貴君恩一作那即一作可依聞說行人已歸止乃

是向來贈金子相看顏色不復言相顧懷慙有何

已從來自隱無疑背直為君情也相會如何咫尺

仍有情況復迢迢千里外誓將一作此時顧恩不顧身

念君此日赴河津莫道向來不得意故欲畱規誠

後人

古大梁行

古城莽蒼

一作蒼茫

饒荆榛驅馬荒城愁殺人魏王宮

觀

一作館殿

盡禾黍信陵賓客隨灰塵憶昨雄都舊

朝市軒車照耀歌鐘起軍容帶甲三十萬國步連

營

一作衡

一作五

千里全盛須臾那可論高臺曲池

無復存遺墟但有

一作見

狐狸迹

一作窟

古地空餘草

木根暮天搖落傷懷抱撫劍悲歌對秋草俠客猶

傳朱亥名行人尚識夷門道白壁黃金萬戶侯寶

刀駿馬填山丘年代淒涼不可問往來唯見

一作在

水東流

邯鄲少年行

邯鄲城南游俠子自矜生長邯鄲裏千場縱博家

仍富幾處報讐身不死宅中歌笑日紛紛門外車

馬常如雲

一作如雲屯

未知肝膽向誰是令人却憶平

原君君

一本無此字

不見令人

一作即今

交態薄黃金用盡

還踈索以茲感歎辭舊遊更於時事無所求且與

少年飲美酒往來射獵西山頭

燕歌行 并序

開元二十六年客有從御史大夫張公出塞而  
 還者作燕歌行以示適感征戍之事因而和焉  
 漢家煙塵在東北漢將辭家破殘賊男兒本自重  
 橫行天子非常賜一作併顏色一作併搃金伐鼓下榆關旌  
 旆逶迤碣石間校尉羽書飛瀚海單于獵火照狼  
 山山川蕭條極邊土胡騎憑陵雜風雨戰士軍前  
 半死生美人帳下猶歌舞大漠窮秋塞草腓孤城  
 落日鬪兵稀身當恩遇常輕敵力盡關山未解圍

鐵衣遠戍辛勤久玉筋應啼別離後少婦城南欲  
 斷腸征人薊北空回首邊庭飄颻那可度絕域蒼  
 茫一作黃無一作何所有殺氣三時作陣雲寒聲一夜  
 傳刁斗相看白刃血一作雪紛紛死節從來豈顧勳  
 君不見沙場征戰苦至今猶憶李將軍

古歌行

君不見漢家三葉從代至高皇舊臣多富貴天子  
 垂衣方晏如廟堂拱手無餘議蒼生偃卧休征戰  
 露臺百金以為費田舍老翁不出門洛陽少年莫

論事

人日寄杜二拾遺

人日題詩寄草堂遙憐故人思故鄉柳條弄色不

忍見梅花滿枝空一作堪斷腸身在遠藩一作南藩無所

預心懷百憂復千慮今年人日空相憶明年人日

知何處一卧東山三十春豈知書劍與一作老風塵

龍鍾還忝二千石愧爾東西南北人

九日酬顏少府

簷前白日應可惜籬下黃花為誰有行子迎霜去

授衣主人得錢始沽酒蘇秦顛顛人一作時多厭

澤棲遲一作栖遲世看醜縱使登高只斷腸不如獨坐

空搔首

留別鄭三韋九兼洛下諸公

憶昨相逢論久要顧君哂我輕常調羈旅雖同白

社遊詩書已作青雲料蹇質蹉跎竟不成年過四

十尚躬耕長歌達者杯中物大一作冷笑前人身後

名幸逢明盛多招隱高山大澤徵求盡此時亦一作

也得辭漁樵青袍裹身荷聖前犁牛釣竿不復見

詩經  
縣人邑吏來相邀  
遠路鳴蟬秋興發  
華堂美酒離  
憂銷不知何日更  
攜手應念茲晨去  
折腰

送楊山人歸嵩陽

不到嵩陽動十年  
舊時心事已徒然  
一二故人不復見  
三十六峯猶眼前  
夷門二月柳條色  
流鶯數聲淚沾臆  
鑿井耕田不我招  
知君以此忘帝力  
山人好去嵩陽路  
惟余眷眷長相憶

送別

昨夜離心正鬱陶  
三更白露西風高  
螢飛木落何淅瀝  
此時夢見西歸客  
曙鐘寥亮三四聲  
東鄰新馬使人驚  
攬衣出戶一相送  
唯見歸雲縱復橫

贈別晉三處士

有人家住清河源  
渡河問我遊梁園  
手持道經注已畢  
心知內篇口不言  
盧門十年見秋草  
此心惆悵誰能道  
知己從來不易知  
慕君爲人與君好  
別時九月桑葉疎  
出門千里無行車  
愛君且欲君先達  
今上求賢早上書

送渾將軍出塞



將軍族貴兵且強漢家已是渾邪王子孫相承在  
朝野至今部曲燕支下控弦盡用陰山兒登一作臨  
陣長騎大宛馬銀鞍玉勒繡螯弧每逐嫖姚破骨  
都李廣從來先將士衛青未肯學孫吳傳有沙場  
千萬騎昨日邊庭羽書至城頭盡角三四聲匣裏  
寶刀晝夜鳴意氣能甘萬里去辛勤動一作判作一  
年行黃雲白草無前後朝建旌旄夕刁斗塞下應  
多俠少年關西不見春楊柳從軍借問所從誰擊  
劍酣歌當此時遠別無輕繞朝策平戎早寄仲宣

送蔡山人

東山布衣明古今自言獨未逢知音識者閱見一  
生事到處豁然千里心看書學劍長辛苦近日方  
思謁明主斗酒相畱醉復醒悲歌數年淚如雨丈  
夫遭遇不可知買臣王父皆如斯我今蹭蹬無所  
似看爾崩騰何若爲

封丘作

一作縣

我本漁樵孟諸野一生自是悠悠者乍可狂歌草

澤中寧堪作吏風塵下祇言小邑無所為公門百  
 事皆有期拜迎官長心欲碎一作破鞭撻黎庶令人  
 悲歸一作悲來向家問妻子舉家盡笑今如此生事  
 應須南畝田世情付與東流水夢想舊山安在哉  
 為銜君命日一作月遲迴乃知梅福徒為爾轉憶陶  
 潛歸去來

題李別駕壁

去鄉不遠逢知己握手相歡得如此禮樂遙傳魯  
 伯禽賓客爭過魏公子酒筵暮散明月上櫺

鳴春風起一生稱意能幾人今日從君問終始

寄宿田家

田家老翁住東陂說道平生隱在茲鬢白未曾記  
 日月山青每到識春時門前種柳深成巷野谷流  
 泉添入池牛壯日耕十畝地人閑常掃一茅茨客  
 來滿酌清樽酒感興平吟才子詩巖際窻中藏  
 鼠潭邊竹裏隱鷓鴣村墟日落行人少醉後無心  
 怯路岐今夜只應還寄宿明朝拂曙與君辭

長短句

別韋參軍

二十解書劍西遊長安城舉頭望君門屈指取公

卿國風冲融邁三五朝庭歡一作禮樂彌寰宇白壁

皆言賜近臣布衣不得干明主歸來洛陽無負郭

東過梁宋非吾土兔苑為農歲不登鴈池垂釣心

長苦世人向一作遇我同眾人唯君於我最一作情相

親且喜百年有一作見交態未嘗一日辭家貧彈棊

擊筑白日晚縱酒高歌楊柳春歡娛未盡分散去

使我惆悵驚心神丈夫一作終當不作兒女別臨岐滯

淚一作泗沾衣巾

送田少府貶蒼梧

沈吟對遷客惆悵西南天昔為一官未得意今向

萬里令人憐念茲斗酒成睽間停舟歎君日將晏

遠樹應憐北地春行人却羨南歸鴈丈夫窮達未

可知看君不合長數竒江山到處堪乘興楊柳青

青那足悲

平臺夜遇李景參有別

離心忽悵然策馬對秋天孟諸薄暮涼風起歸客

言終  
相逢渡睢水。昨時攜手已十年。今日分途各千里。  
歲物蕭條滿路岐。此行浩蕩令人悲。家貧美爾有  
微祿。欲往從之何所之。

送郭處士往萊蕪兼寄荀山人

君爲東蒙客。往來東蒙畔。雲卧臨嶧陽。山行窮日  
觀。少年詞賦皆可聽。秀眉白面風清冷。身上未曾  
染名利。口中猶未知臛腥。今日還山意無極。豈辭  
世路多相識。歸見萊蕪九十翁。爲論別後長相憶。

賦得還山吟送沈四山人

還山吟。天高日暮寒山深。送君還山識君心。人生  
老大須恣意。看君解作一生事。山間偃仰無不至。  
石泉淙淙若風雨。桂花松子常滿地。賣藥囊中應  
有錢。還山服藥又長年。白雲勸盡杯中物。明月相  
隨何處眠。眠時憶。醒時事。一作夢。竟可以相周  
旋。

崔司錄宅燕大理李卿

多雨殊未已。秋雲更沈沈。洛陽故人初解印。山東  
小吏來相尋。上卿才大名不朽。早朝至尊暮求友。

言終  
豁達常推海內賢  
殷勤但酌樽中酒  
飲醉欲言歸  
剡谿門前駟馬光照衣  
路傍觀者徒啣啣  
我公不以爲是非

同鮮于洛陽於畢員外宅觀畫馬歌

知君愛鳴琴仍好千里馬  
永日恒思單父中有時  
心到宛城下遇客丹青天下才  
白生胡雛控龍媒  
主人娛賓畫障開只言騏驥西極來  
半壁趨趨勢不住滿堂風飄颻  
然度家僮愕視欲先鞭  
櫪馬驚嘶還屢顧始知物妙皆可憐  
燕昭市駿豈徒然  
今剪拂無所用猶勝駑駘在眼前

同河南李少尹畢員外宅夜飲時洛陽告

捷遂作春酒歌

故人美酒勝濁醪  
故人清詞合風騷  
長歌滿酌惟吾曹  
高談正可揮塵毛  
半醉忽然持蟹螯  
洛陽告捷傾前後  
武侯腰間印如斗  
郎官無事時飲酒  
杯中綠蟻吹轉來  
甕上飛花拂還  
有前年持節將楚兵  
去年畱司在東京  
今年復拜二千石  
盛夏五月西南行  
彭門劔門蜀山裏  
昨逢軍人劫奪我到家

詩經  
但見妻與子，賴得飲君春。酒數十杯，不然令我愁欲死。

同李九士曹觀壁畫雲作

始知帝鄉客，能畫蒼梧雲。秋天萬里一片色，只疑飛盡猶氛氲。

見薛大臂鷹作

寒楚十二月，蒼鷹八九毛。寄言燕雀莫相啣，一作已忘自有雲霄萬里高。

畫馬篇

同諸公安宴睢陽李太守各賦一物

君侯櫪上驄，貌在丹青中。馬毛連錢蹄，鐵色圖畫光。輝驕玉勒馬，行不動勢若來。權竒蹴踏無塵埃，感茲絕代稱妙手，遂令談者不容口。麒麟獨步自可珍，駑駘萬匹知何有。終未如他櫪上驄，載華轂騁飛鴻。荷君剪拂與君用，一日千里如旋風。

詠馬鞭

龍竹養根凡幾年，工人截之爲長鞭。一節一目皆天然，珠重重星連。連繞指柔，純金堅繩不直。規不圓，把向空中捎一聲。良馬有心日馳千

言下履身下... 始知帝病黑... 日千里吹... 風

輿深... 日千里吹... 風

百... 吹... 風

... 吹... 風

... 吹... 風

... 吹... 風

盛唐第二十九

唐詩紀八十九

滁陽方一元彙編

海寧方夫眷重訂

高適 五

五言律詩

部落曲

蕃軍傍塞遊代馬噴風秋老將垂金甲

裘瑀戈蒙豹尾紅旆插狼頭日暮天山下

使愁

詩已

贈杜二拾遺

傳道招提客詩書自討論佛香時入院僧飯屢過  
門聽法還應難尋經剩欲翻草玄今已畢此外復  
一作何言  
後更

醉後贈張九旭

世上謾相識此翁殊不然興來書自聖醉後語尤  
顛白髮老閑事青雲在目前牀頭一壺酒能更幾  
回眼

途中寄徐錄事

比以王  
書見贈

落日風雨至秋天鴻鴈初離憂不堪比旅館復何  
如君又幾時去我知音信疎空多篋中贈長見右  
軍書

酬衛八雪中見寄

季冬憶淇上落日歸山樊舊宅帶流水平田臨古  
村雪中望來信醉裏開衡門果得希代寶緘之那  
可論

送白少府送兵之隴右

殘更登隴首遠別指臨洮為問關山近本事何如



州縣勞軍容隨赤羽樹色引青袍誰斷單于臂今年太白高

河西送李十七

邊城多遠別此去莫徒然問禮知才子登科及少年出門看落日驅馬向秋天高價人爭重行當且着鞭

送張瑤貶五谿尉

他日維楨幹明時懸鑛鄒江山遙去國妻子獨還家離別無嫌遠沈浮勿強嗟南登有詞賦知爾弔

長沙

別韋五

徒然酌杯酒不覺散人愁相識仍遠別欲歸翻旅遊夏雲滿郊甸明月照河洲莫恨征途遠東看漳水流

別劉大校書

昔日京華去知君才望新應猶作賦好莫歎在官貧且復傷遠別不然愁此身清風一作青楓幾萬里江

上一歸人

言終  
盛唐卷之二十九  
宋中別司功叔各賦一物得商丘

商丘試一望隱隱帶秋天地與星辰在城將大路  
遷干戈悲昔事墟落對窮年卽此傷離緒悽悽賦  
酒筵

送蔡十二之海上

時在衛中

黯然而何所爲相對但悲酸季弟念離別賢兄救急  
難河流冰處盡海路雪中寒尚有南飛鴈知君不  
忍看

別韋兵曹

離別長千里相逢數十年此心應不變他事已徒  
然惆悵春光裏蹉跎柳色前逢時當自取看爾欲  
先鞭

獨孤判官部送兵

餞君嗟遠別爲客念周旋征路今如此前軍猶眇  
然出關逢漢壁登隴望胡天亦是封侯地期君早  
着鞭

別從甥萬盈

諸生曰萬盈四十乃知名宅相予偏重家丘人莫

詩經  
盛唐卷之二十九  
四  
輕美才應自料苦節豈無成莫以山田薄今春又  
不耕

別崔少府

知君少得意汶上掩柴扉寒食仍留火春風未授  
衣皆言黃綬屈早向青雲飛借問他鄉事今年歸  
不歸

別一作送馮判官

碣石遼西地漁陽薊北天關山唯一道雨雪盡三  
邊才子方爲客將軍正渴一作慕賢遙知幕府下書

記口翻羽扁

淇上送韋司倉往滑臺

飲酒莫辭醉醉多適不愁孰知非遠別終念對窮  
秋滑臺門外見淇水眼前流君去應回首風波滿  
渡頭

送崔功曹赴越

傳有東南別題詩報客居江山知不厭州縣復何  
如莫恨吳歛曲嘗看越絕書今朝欲乘輿隨爾食  
鱸魚

送蹇秀才赴臨洮

悵望日千里如何今二毛猶思陽谷去莫厭隴山高  
倚馬見雄筆隨身唯寶刀料君終自致勲業在  
臨洮

廣陵別鄭處士

落日知分手春風莫斷腸興來無不愜才在亦何  
傷谿水堪垂釣江田耐插秧人生只爲此亦足傲  
義宗

別孫訢

離人去復留白馬黑貂裘屈指論前事停鞭惜舊  
遊帝鄉那可忘旅館日堪愁誰念無知己年年賸  
水流

送劉評事充朔方判官賦得征馬嘶

征馬向邊州蕭蕭嘶不木作休思深應帶別聲斷

爲兼秋岐路風將遠關山月共愁贈君從此去何  
日大刀頭

送魏八

更沽淇上酒還泛驛前舟爲惜故人去復憐嘶馬

詩經  
卷之二十九  
愁雲山行處合風雨與中秋此路無知己明珠莫  
暗投

贈別褚山人

攜手贈將行山人道姓名光陰薊子訓才術褚先  
生墻上梨花白樽中桂酒清洛陽無二價猶是慕  
風聲

別王八

征馬嘶長路離人挹佩刀客來東道遠歸去北風  
高時候何蕭索鄉心更一作鬱陶傳君遇知己行

日有綈袍

送董判官

逢君說行邁倚劔別交親幕府爲才子將軍作王  
人近關多雨雪出塞有風塵長策須當用男兒莫  
顧身

送鄭侍御謫閩中

謫去君無恨閩中我舊過大都秋鴈少只是夜猿  
多東路雲山合南天瘴癘和自當逢雨露行矣慎  
風波

送李侍御赴安西

行子對飛蓬金鞭指鐵驄功名萬里外心事一杯  
中虜障燕支北秦城太白東離魂莫惆悵看取寶  
刀雄

送裴別將之安西

絕域眇難躋悠然信馬蹄風塵經跋涉搖落怨睽  
攜地出流沙外天長甲子西少年無不可行矣莫  
悽悽

宴郭校書因之有別

綵月庭訓分交載酒過芸香名早著蓬轉  
多苦戰作戰苦知機息窮愁柰別何雲霄莫相待金  
鬢已蹉跎

同李太守北池泛舟宴高平鄭太守

每揖龔黃事還陪李郭舟雲從四岳起一作水向  
百城流幽意隨登陟嘉言卽獻酬乃知縫掖貴今  
日對諸侯

同崔員外綦母拾遺九日宴京兆府李士

曹

今日好相見羣賢仍廢曹晚晴催翰墨秋興引風  
騷絳葉擁虛砌黃花隨濁醪閉門無不可何事更  
登高

同羣公十月朝宴李太守宅

良牧徵高賞寒帷問考槃歲時當正月甲子入初  
寒已聽甘棠頌欣陪旨酒歡仍憐門下客不作布  
衣看

武威同諸公過楊七山人

得藤字

幕府日多暇田家歲復登相知恨不早乘興乃無  
情窮巷在喬木深齋垂古藤邊城唯有醉此外更  
何能

同羣公登濮陽聖佛寺閣

落日登臨處悠然意不窮佛因初地識人覺四天  
空來鴈清霜後孤帆遠樹中徘徊傷寓目蕭索對  
寒風

同衛八題陸少府書齋

知君薄州縣好靜無冬春散帙至棲鳥明燈留故  
人深房臘酒熟高院梅花新若是周旋地當令風

義親

淇上別業

依依西山下別業桑林邊  
庭鴨喜多雨鄰雞知暮  
天野八種秋菜古老開原田  
且向世情遠吾今聊  
自然

入昌松東界山行

鳥道幾登頓馬蹄無暫一作閑  
崎嶇出長坂合脊  
猶前山石激水流處天寒松色間  
王程應未盡且  
莫顧刀環

使青夷軍入居庸三首

匹馬行將久征途去轉難  
不知邊地別祗訝客衣  
單谿冷泉聲苦山空木葉乾  
莫言關塞極雲雪尚  
漫漫

古鎮青山口寒風落日時  
巖巒鳥不過冰雪馬堪  
遲出塞應無策還家賴有期  
東山足松桂歸去結  
茅茨

登頓驅征騎棲遲愧寶刀  
遠行今若此微祿果徒  
勞絕坂水連下羣峯雲共高  
自堪成白首何事一



青袍

自薊北歸

驅馬薊門北北風邊馬哀蒼茫遠山口豁達胡天  
開五將已深入前軍止半迴誰憐不得意長劔獨  
歸來

七言律詩

東平別前衛縣李宋少府

黃鳥翩翩楊柳垂春風送客使人悲怨別自驚千  
里外論交却憶十年時雲開汶水孤帆遠路繞梁  
山匹馬遲此地從來可乘輿留君不住益淒其

夜別韋司士

得城字

高館張燈酒復清夜鐘殘月鴈歸聲只言啼鳥堪  
求侶無那春風欲送行黃河曲裏沙爲岸白馬津  
邊柳向城莫怨他鄉暫離別知君到處有逢迎

送李少府貶峽中王少府貶長沙

嗟君此別意何如駐馬銜杯問謫居巫峽啼猿數  
行淚衡陽歸鴈幾封書青楓江上秋天遠白帝城  
邊古木疎聖代即今多雨露暫時分手莫躊躇

同陳留崔司戶早春宴蓬池

同官載酒出郊圻晴日東馳鴈北飛隔岸春雲邀  
翰墨傍簷垂柳報芳菲池邊轉覺虛無盡臺上偏  
宜醕酌歸州縣徒勞那可度後時連騎莫相違

金城北樓

北樓西望滿晴空積水連山勝畫中湍上急流聲  
若箭城頭殘月勢如弓垂竿已謝磻谿老體道猶  
思塞上翁爲問邊庭更何事至今羌笛怨無窮

同顏六少府旅宦秋中之作

傳君昨夜悵然悲獨坐新齋木落時逸氣舊來凌

燕雀高才何得混妍媸跡留

一作勞

黃綬人多歎心

在青雲世莫知不是鬼神無正直從來州縣有瑕

疵

五重陽

節物驚心兩鬢華東籬空繞未開花白年將半仕  
三已五畝就荒天一涯豈有白衣來剝啄一從烏  
帽自欹斜真成獨坐空搔首門柳蕭蕭噪暮鴉

三五正海蕪荒天一豈豈有自亦來陳初一豈豈  
確險驚山雨鬢華東籟空幾未閑芬自辛絲半升  
重興北樓

飛樓西望滿晴空積水連山勝畫中滄上急流

五青雲甘莫咲不具吳軒無五直豈來似繹育建  
燕雀高木何野豈被數相留一作黃鸝入冬模心  
斬吾非外則然悲斷坐滌齋木容執髮屏書來素

盛唐第二十

唐詩紀九十

滁陽方一元彙編

海寧方天眷重訂

高適六

五言排律

古樂府飛龍曲留上陳左相

德以精靈降時膺夢寐求蒼生謝安石天子富平

一作侯樽俎資高論巖廊挹大猷相門連戶牖卿

族嗣弓裘豁達雲開霽一作景清明月映秋能為吉

甫頌善用子房籌階砌思攀陟門闌尚阻脩高山  
 不易仰大匠本難投跡與松喬合心緣啓沃畱公  
 才山吏部書癖杜荊州幸沐千年聖何辭一尉休  
 折腰知寵辱迴首見沈浮天地莊生馬江湖范蠡  
 舟逍遙堪自樂浩蕩信無憂去此從黃綬歸歟任  
 白頭風塵與霄漢瞻望日悠悠

畱上李右相

風俗登淳古君臣挹大庭深沈謀九德密勿契千  
 齡獨立調元氣清心豁窅冥本枝連帝系長策冠

生靈傳說明殷道蕭何律漢刑鈞衡持國柄柱

總朝

一作賢

經隱軫江山藻氛氲鼎彝銘興中皆白

雪身外卽丹青江海呼窮鳥詩書問聚螢吹噓成

羽翼提握動芳馨倚伏悲還笑棲遲

一作沈醉復醒

恩榮初就列含育忝宵形有竊丘山惠無時枕席

寧壯心瞻落景生事感浮

一作流

萍莫以才難用終

期善易聽未爲門下客徒謝少微星

同李貞外賀哥舒大夫破九曲之作

遙傳副丞相昨日破西蕃作氣羣山動揚軍大旆

言系  
盛唐卷之三  
翻竒兵邀轉戰連弩絕歸奔泉噴諸戎血風驅死  
虜覓頭飛攢萬戟面縛聚轅門鬼哭黃埃暮天愁  
白日昏石城與巖險鐵騎皆一作若雲屯長策一言  
決高蹤百代存威稜懾沙漠忠義感乾坤老將黯  
無色儒生安敢論解圍憑廟筭止殺報君恩唯有  
關河渺蒼茫空樹墩

信安王幕府詩

并序

開元二十年國家有事林胡詔禮部尚書信安  
王總戎大舉時考功郎中王公司勳郎中劉公

王客郎中魏公侍御史李公監察御史崔公  
在幕府詩以頌美數公見于詞凡三十韻

雲紀軒皇代星高太白年廟堂咨上策幕府制中  
權盤石藩維固昇壇禮樂先國章榮印綬公服貴  
貂蟬樂善旌深德輸忠格上玄剪桐光寵錫題劍  
美貞堅聖祚雄圖廣師貞武德虔雷霆七校發旌  
旆五營連華省徵羣又霜臺舉二賢豈伊公望遠  
曾是茂才遷並秉韜鈴術兼該翰墨筵帝思麟閣  
像臣獻柏梁篇振玉登遼甸撻金歷薊壩度河飛

羽檄橫海泛樓船北伐聲逾邁東征務以專講戎  
喧涿野料敵靜居延軍勢持三畧兵戎自九天朝  
瞻授鉞去時聽偃戈旋大漠風沙裏長城雨雪邊  
雲端臨碣石波際隱朝鮮夜壁衝高斗寒空駐綵  
旃倚弓玄兔月飲馬白狼川庶物隨交泰蒼生解  
倒懸四郊增氣象萬里絕風煙關塞鴻勳著京華  
甲第全落梅橫吹後春色凱歌前直道常兼濟微  
才獨棄捐曳裾誠已矣投筆尚悽然作賦同元淑  
能詩匪仲宣雲霄不可望空欲仰神仙

東平旅遊奉贈薛太守二十四韻

頌美馳千古欽賢仰大猷晉公標逸氣汾水注長  
流神與公忠節天生將相儔青雲本自負赤縣獨  
推尤御史風逾勁郎官草屢修鵷鸞粉署起鷹隼  
柏臺秋出入交三事飛鳴揖五侯軍書陳上策廷  
議借前籌肅肅趨朝列雖雖引帝求一麾俄出守  
千里再分憂不改任棠水仍傳晏子裘歌謠隨舉  
扇旌旆逐鳴騶郡國長河遶川原大野幽地連堯  
泰嶽山向禹青州汶上春帆渡秦亭晚日愁遺墟

言終  
屈辱卷之三十一  
一  
當少昊懸象逼奎婁卽此逢清鑒終然喜暗投叨  
承解榻禮更得問縑遊高興陪登陟嘉言忝獻酬  
觀棊知戰勝探象會冥搜眺聽情何限冲融惠勿  
休祇應齊語默寧肯問沈浮然諾長懷季栖遑輒  
累丘平生感知已方寸豈悠悠

真定卽事奉贈韋使君二十八韻

漂泊懷書客遲迴此路隅問津驚棄置投刺忽踟  
躕方伯思彌重蒼生詠已蘇郡稱廉叔度朝議管  
夷吾乃繼三台側仍將四岳俱江山澄氣象崖谷

倚水壺詔寵金門等小官榮葉縣烏丸擢才登粉署飛  
步躡雲衢起草徵調墨焚香卽宴娛光華揚盛矣  
霄漢在茲乎隱軫推公望逶迤協帝俞軒車辭魏  
闕旌節副幽都始佩仙郎印俄兼太守符尤多蜀  
郡理更得潁川謨城邑推雄鎮山川列簡圖舊燕  
當絕漠全趙對平蕪曠野何瀟漫長亭復鬱紆始  
泉遺俗近活水戰場無月換思鄉陌星迴記斗樞  
歲容歸萬象和氣發鴻鑪淪落而誰遇栖遑有是  
夫不才羞擁腫干祿謝侏儒契闊慚行邁羈離憶

友于田園同季子儲蓄異陶朱方欲呈高義吹噓  
揖大巫永懷吐肝膽猶憚阻榮枯解榻情何限忘  
言道未殊從來貴縫掖應是念窮途

和竇侍御登涼州七級浮圖之作

化塔屹中起孤高宜上躋鐵冠雄賞眺金界寵招  
攜空色在軒戶邊聲連鼓鼙天寒萬里北地豁九  
州西清興揖才彥峻風和端倪始知陽春後具物  
胥筌蹄

酬河南節度使賀蘭大夫見贈之作

高閣憑欄檻中軍倚旆旌感時常激切於已卽忘  
情河華屯妖氣伊瀍有戰聲媿無戡難策多謝出  
師名秉鉞知恩重臨戎覺命輕股肱瞻列岳唇齒  
賴長城隱隱摧鋒勢光光弄印榮魯連真義士陸  
遜豈書生直道寧殊智先鞭忽抗行楚雲隨去馬  
淮月尚連營撫劔堪投分悲歌益不平從來重然  
諾况值欲橫行

奉酬睢陽路太守見贈一作之作

盛才膺命代高價動良時帝簡登藩翰人和發詠



思神仙去華省鷓鴣憶丹墀清淨能無事優游卽  
 賦詩江山紛想像雲物共一作動萎蕤逸氣劉公幹  
 玄言向子期多慙汲引速翻愧激昂遲相馬知何  
 限登龍反自疑風塵吏道迫行邁旅心悲拙疾徒  
 爲爾窮愁欲問誰秋庭一片葉朝鏡數莖絲州縣  
 甘無取丘園悔莫追瓊瑤生篋笥光景借茅茨他  
 日青霄裏猶應訪所知

奉酬睢陽李太守

公族稱王佐朝經允帝求本枝疆我李盤石冠

登禮樂光輝盛山河氣象幽系高周柱史名重晉  
 陽秋華省膺推擇青雲寵宴遊握蘭多具美前席  
 有嘉謀賦得黃金賜言皆白璧酬看鞭驅駟馬操  
 刃解金牛出鎮兼方伯承家復列侯朝瞻孔北海  
 時用杜荊州廣固纔登陟毘陵忽阻脩三台冀入  
 夢四岳尚分憂郡邑連京口山川望石頭海門當  
 建節江路引鳴騶俗見中興理人逢至道休先移  
 白額橫更息赭衣偷梁國歌來晚徐方怨不畱豈  
 伊齊政術將以變澆浮訟簡知能吏刑寬察要囚

坐堂風偃草行縣雨隨輶地是蒙莊宅城遺闕伯  
丘孝王餘井徑微子故田疇冬至招搖轉天寒蟬  
鍊收猿巖飛雨雪兔苑落梧楸列戟霜侵戶褰幃  
月在鈎好賢常解榻乘輿每登樓逸足橫千里高  
談注九流詩題青玉案衣贈黑貂裘窮巷軒車靜  
閑齋耳目愁未能方管樂翻欲慕巢由講德良難  
敵觀風豈易儔寸心仍有適江海一扁舟

送柴司戶充劉卿判官之嶺外

嶺外資雄鎮朝端寵節旄月鄉臨幕府星使出  
曹海對羊城闊山連象郡高風霜驅瘴癘忠信涉  
波濤別恨隨流水交情脫寶刀有才無不適行矣  
莫徒勞

送蔡少府赴登州推事

膠東連卽墨萊水入滄溟國小常多事人訛屢抵  
刑公才徵郡邑詔使出郊坰標格誰當犯風謠信  
可聽崢嶸大峴口遷迤汶陽亭地迴雲偏白天秋  
山更青祖筵方卜晝王事急侵星勸爾將爲德斯  
言蓋有聽

言糸  
秦中送李九赴越

攜手望千里于今將十年如何每離別心事復迤  
邐適越雖有以出關終耿然愁霖一作秋林不可向長  
路或難前吳會獨行客山陰秋夜船謝家徵故事  
禹穴訪遺編鏡水君所憶尊羹余舊便歸來莫忘  
此兼示濟江篇

餞宋八充彭中丞判官之嶺外

觀君濟時畧使我氣填膺長策竟不用高才徒見  
稱一朝知己達累日詔書徵羽翮忽然就風颺誰

敢凌舉鞭趨

一作投

嶺嶠

一作嶂

屈指冒炎蒸北

馳驛南人思飲水彼邦本倔強習俗多驕矜翠羽  
干平法黃金撓直繩若將除害馬慎勿信蒼蠅  
魅寧無患忠貞適有憑猿啼山不斷鳶跼路難登  
海岸出交趾江城連始興繡衣當節制幕府盛威  
稜勿憚九嶷險須令百越澄立談多感激行李卽  
嚴疑離別胡爲者雲霄遲爾昇

陪竇侍御泛靈雲池

白露時先降清川思不窮江湖仍塞上舟楫在軍

言  
中舞換臨津樹歌饒向迴一作晚風夕陽連積水邊  
名一滿秋空乘興宜投轄邀歡莫避驄誰憐持弱羽  
猶欲伴鷓鴣

陪竇侍御靈雲南亭宴詩

得雷字并序

涼州近胡高下其池亭蓋以耀蕃落也幕府董  
帥雄勇徑踐戎庭自陽關而西猶枕席矣軍中  
無事君子飲食宴樂宜哉白簡在邊清秋多興  
况水具舟楫山兼亭臺始臨泛而寫煩俄登陟  
以寄傲絲桐徐奏林木更爽觴蒲萄以遞歡指

蘭茝而可掇胡天一望雲物蒼然雨蕭蕭而  
馬聲斷風嫋嫋而邊歌幾處又足悲矣負外李  
公曰七日者何牛女之夕也夫賢者何得謹其  
時請賦南亭詩列之於後

人幽宜眺聽目極喜亭臺風景知愁在關山憶夢  
迴祗言殊語默何意忝遊陪連唱波瀾動冥搜物  
象開新秋歸遠樹殘雨擁一作應輕雷簷外長天盡  
樽前獨鳥來常吟塞下曲多謝幕中才河漢徒相  
望嘉期安在哉

同熊少府題盧王簿茅齋

盧兼有人倫

虛院野情在茅齋秋興存孝廉趨下位才子出高門  
乃繼幽人靜能令學者尊江山歸謝客神鬼下  
劉根階樹時攀折惚書任討論自堪成獨往何必  
武陵源

同朱五題盧使君義井

高義唯良牧深仁自下車寧知鑿井處還是飲水  
餘地即泉源久人當汲引初體清能鑒物色洞一作  
淡每含虛上善滋來往中和淡里閭濟時應未竭

懷惠復何如

同郭十題楊王簿新廳

華館曙沈沈惟良正在今用材兼柱石聞物象高  
深更得芝蘭地兼管枳棘林向風扃戟戶當署近  
棠陰勿改安卑節聊閑理劇心多君有知己一和  
鄂中吟

秋日作

端居值秋節此日更愁辛寂寞無一事蒿萊通四  
鄰閉門生白髮回首憶青春歲月不相待交游隨

言系  
盛唐卷之三十一  
十一  
衆人雲霄何處託，愚直有誰親。舉酒聊自勸，窮通信爾身。

辟陽城

荒城在高岸，凌眺俯清淇。傳道漢天子，而封審食其。奸淫且不戮，茅土孰云宜。何得英雄主，返令兒女欺。母儀良已失，臣節豈如斯。太息一朝事，乃令人所嗤。

赴彭州山行之作

峭壁連崆峒，攢峯疊翠微。鳥聲堪駐馬，林色可忘機。怪石時侵徑，輕蘿乍拂衣。路長愁作客，年老更思歸。且悅巖巒勝，寧嗟意緒違。山行應未盡，誰與玩芳菲。

五言絕句

詠史

尚有綈袍贈，應憐范叔寒。不知天下士，猶作布衣看。

送兵到薊北

積雪與天迥，屯軍連塞愁。誰知此行邁，不爲覓封

侯

同羣公題張處士菜園

又見岑參集

肉 畊地桑柘間地肥菜常熟為問葵藿資何如廟堂

逢謝偃

紅顏愴

一

為別白髮始相逢唯餘昔時慮無復

舊時容

田家春望

出門何所見春色滿平蕪可歎無知己高陽一

閑居

柳色驚心事春風厭索居方知一杯酒猶勝百家

書

封丘作

州縣才難適雲山道欲窮揣摩慙黠吏棲隱謝愚

公

七言絕句

九曲詞二首

許國從來徹廟堂連年不爲在疆一作壇場將軍天  
下討侯印御史臺中異姓王

萬騎爭歌楊柳春千場對舞繡騏驎到處盡逢歡  
洽事相看總是太平人

鐵騎橫行鐵嶺頭西看邏逤取封侯青海只今將  
飲馬黃河不用更防秋

### 營州歌

營州少年厭原野狐一作反裘蒙茸獵城下虜一作魯  
酒千鍾不醉人胡兒十歲能騎馬

### 玉真公主歌

常言龍德本天仙誰謂仙人每學仙更道玄元指  
李日多於王母種桃年

仙宮仙府有真仙天寶天仙秘莫傳爲問軒皇三  
百歲何如大道一千年

### 和王七玉門關聽吹笛

胡人吹笛戍樓間樓上蕭條海一作明月閑借問落

梅凡幾曲從風一夜滿關山一本作塞上聽吹笛

月明羌笛戍樓閒借問梅花何處落風吹一夜滿關山



別董大二首

十里黃雲白日曛北風吹鴈雪紛紛莫愁前路無  
知己天下誰人不識君  
六翮飄颻私自憐一離京洛十餘年丈夫貧賤應  
未足今日相逢無酒錢

送桂陽孝廉

桂陽少年西入秦數經甲科猶白身卽今江海一  
歸客他日雲霄萬里人

送李少府時在客舍作

相逢旅館意多違暮雪初晴候鴈飛主人酒盡君  
未醉薄暮途遙歸不歸

聽張立本女吟

危冠廣袖楚宮妝獨步閑庭逐夜涼自把玉釵敲  
砌竹清歌一曲月如霜

初至封丘作

可憐薄暮宦遊子獨卧虛齋思無已去家百里不  
得歸到官數日秋風起

除夜作

言系  
盛唐卷之三十一  
旅館寒燈獨不眠客心何事轉悽然故鄉今夜思

一作  
更作一年

何對  
暮宮  
...

...

...

...

...

...

...

盛唐第二十一

唐詩紀九十一

滁陽方一元彙編

海寧方天眷重訂

崔顥

卞州人開元十一年進士有俊才無士行好捕博飲酒及遊京師娶妻擇有貌者稍不愜意即去之前後數四累官司勳員外郎天寶中卒○殷璠云顥少年為詩屬意浮豔名陷輕薄晚節忽變常調風骨凜然一窺塞垣說盡戎旅可與鮑昭並駕也

五言古詩

古遊俠呈軍中諸將

少年負膽氣好勇復知機仗劍出門去孤城逢合

言系  
盛唐卷之三十一  
圍殺人遼水上走馬漁陽歸錯落金鑠甲蒙茸貂  
鼠衣還家行且一作且行獵弓矢速如飛地迴鷹犬疾  
草深狐兔肥腰間帶一作帶垂兩綬轉眄生光輝顧謂  
今日戰何如隨建威

贈輕車

悠悠遠行歸經春涉長道幽冀桑始青洛陽蠶欲  
老憶昨戎馬地別時心草草烽火從北來邊城閉  
常早平生少相遇未得展懷抱今日杯酒間見君  
交情好

贈王威古

三十羽林將出身常事邊春風吹淺草獵騎何翩  
翩插羽兩相顧鳴弓新上弦射麋入深谷飲馬投  
荒一作向寒泉馬上共傾酒野中聊割鮮相看未及飲  
一作醉雜虜寇幽燕烽火去不息胡塵一作山高際天  
長驅救東北戰解城亦全一作作轉戰報國行赴難  
古來皆共然

贈懷一上人

法師東南秀世實豪家子削髮十二年誦經峨眉

裏自此照羣蒙卓然為道雄觀生盡入妄悟有皆

成空淨體一作無衆染苦心歸妙宗一朝勅書至

召入承明宮說法金殿裏焚香清禁中傳燈遍都

邑杖錫遊王公天子揖妙道羣僚趨下風我法本

無着時來出林壑因心得化城一作隨病皆與藥

上啓黃屋心下除蒼生縛一從入君門說法無朝

昏帝作轉輪王師為持戒尊軒風灑甘露佛雨生

慈根但有滅度理而生一作開濟恩復聞江海曲

好殺成風俗帝曰我上人為除羶腥欲是日發西

秦東南至蘄春風將衡桂接地與吳楚鄰舊少清

信士寔多漁獵人一聞吾師至捨網江湖濱作禮

懺前惡潔誠期後因因成日既又事濟身不守更

出淮楚間復來荆河口荆河馬卿岑茲地近道林

入講鳥常狎坐禪獸不侵都非緣未盡曾是教所

任故我一來事永承微妙音竹房見衣鉢松宇清

身心早悔業至淺晚成計可尋善哉遠公義清淨

如黃金

遊天竺寺

晨登天竺山山殿朝陽曉厓一作泉爭噴薄江岫  
相縈繞直上孤頂高平看衆峯小南州十二月地  
煖冰雪少青翠滿寒山藤蘿覆冬沼花龕瀑布側  
青壁石林杪鳴鐘集人天施飯聚猿鳥洗意歸清  
淨澄心悟空了始知世上人萬物一何擾

入若耶谿

輕舟去何疾已到雲林境起坐雲鳥間動搖山水  
影巖中響自蒼谿裏言彌靜事事令人幽停橈向  
餘景

雜詩

可憐青銅鏡掛在白玉堂玉堂有美女嬌弄明月  
光羅袖拂金鵲綵屏點紅妝妝罷含情坐春風桃  
李香

結定襄郡獄効陶體

我在河東時使往定襄里定襄諸小兒爭訟紛城  
市長老莫敢言太守不能理謗書盈几案文墨相  
填委牽引肆中翁追呼田家子我來折此獄師一作  
五聽辨疑似小大必以情未嘗施鞭箠是時三月

暮遍野農桑起里巷鳴春鳩田園引流水此鄉多  
雜俗戎夏殊音旨顧問邊塞人勞情曷云已

七言古詩

長安道

紀事題作  
霍將軍

長安甲第高入雲誰言居住霍將軍日晚朝迴擁  
賓從路傍揖拜何紛紛莫言炙手手可熱須臾火  
盡灰亦滅莫言貧賤即可欺人生富貴自有時一  
朝天子賜顏色世上一作事悠悠應一作君始知

行路難

君不見建章宮中金明枝萬萬長條拂地垂三月  
三月花如霰九重幽深君不見豔彩朝含四寶宮  
香風旦一作吹入朝雲殿漢家宮女春未闌愛此芳  
香朝暮看看來看看去一作來心不忘攀折將安鏡  
臺上雙雙素手剪不成兩兩紅妝笑相向建章昨  
夜起春風一花飛落長信宮長信麗人見花泣憶  
此珍樹何嗟及我昔初在昭陽時朝攀暮折登玉  
墀只言歲歲長相對不悟今朝遙相思

孟門行

黃雀銜黃花翩翩傍簷隙本擬報君恩如何反彈  
 射金壘美酒滿座春平原愛才多衆賓滿堂盡是  
 忠義士何意得有讒諛人諛言反覆那可道能令  
 君心不自保北園新栽桃李枝根株未固何轉移  
 成陰結實子一作君自取若借一作問傍人那得知  
 渭城少年行

洛陽三月梨花飛秦地行人春憶歸揚鞭走馬城  
 南陌朝逢驛使秦川客驛使前日發章臺傳道長  
 安春早來棠梨宮中燕初至葡萄館裏花正開念

此使人歸更早三月便達

一作更踏長安道長安道

春可憐搖風蕩日曲江邊萬戶樓臺臨渭水五陵

花柳滿秦川秦川寒食盛繁華遊子春來不

一作喜

見家鬪雞下社塵初合走馬章臺日半斜章臺帝

城稱貴里青樓日晚歌鐘起貴里豪家白馬驕五

陵年少不相饒雙雙挾彈來金市兩兩鳴鞭上渭

橋渭城橋

一作壚頭酒新熟金鞍白馬誰家宿可憐

錦瑟箏

與一作

琵琶玉壺清

一作新

酒就倡

一作君

家小

婦春來不解羞嬌歌一曲楊柳花

盧姬篇

盧姬少小魏王家綠鬢紅脣桃李花魏王綺樓十  
二重水晶簾箔繡芙蓉白玉欄杆金作柱樓上朝  
朝學歌舞前堂後堂羅袖人南牕北牕花發春翠  
幌珠簾鬪絲管一彈一奏雲欲斷君王日晚下朝  
歸鳴環佩玉一作金生光輝人生今日得嬌貴誰  
道盧姬身細微

江畔老人愁

江南年少十八九乘舟欲渡青谿口青谿口邊一

老翁鬢眉皓白已衰朽自言家代仕梁陳垂朱拖  
紫三十人兩朝出將復入相五世疊鼓垂朱輪父  
兄三葉皆尚主子女四代爲妃嬪南山賜田接御  
苑北宮甲第連紫宸直言榮華未休歇不覺山崩  
海將竭兵戈亂入建康城煙火連燒未央闕衣冠  
士子陷鋒刃良將名臣盡埋沒山川改易失市朝  
衢路縱橫填白骨老人此時尚少年脫身走得投  
海邊罷兵歲餘未敢出去鄉三載方來旋蓬蒿忘  
却五城宅草木不識青谿田雖然得歸到鄉土零



言終  
丁貧賤長辛苦采樵屢入歷陽山川稻常過新林  
浦少年欲知老人歲豈知今年一百五君今少壯  
我已衰我昔少年君不睹人生貴賤各有時莫見  
羸老相輕欺感君相問爲君說說罷不覺令人悲

邯鄲宮人怨

邯鄲陌上三月春暮行逢見一婦人自言鄉望本  
燕趙少小隨家西入秦母兄憐愛無儔侶五歲名  
爲阿嬌女七歲丰茸好顏色八歲黠惠能言語十  
三兄弟教詩書十五青樓學歌舞我家青樓臨道

傍紗牕綺幔暗聞香日暮笙歌君駐馬春日妝梳  
妾斷腸不用城南使君壻本求三十侍中郎何知  
漢帝好容色玉輦攜登歸建章建章宮殿不知數  
萬戶千門深且長百堵塗椒接青瑣九華閣道連  
洞房水精簾箔雲母扇琉璃牕牖玳瑁牀歲歲年  
年奉歡宴嬌貴榮華誰不羨恩情莫比陳皇后寵  
愛全勝趙飛燕瑤房侍寢世莫知金屋更衣人不  
見誰言一朝復一日君王棄世市朝變宮車出葬  
茂陵田賤妾獨留長信殿一朝太子升至尊宮中

言終  
人事如掌翻同時侍女見讒毀後來新人莫敢言  
兄弟印綬皆被奪昔年賞賜不復存一旦放歸舊  
鄉里乘車垂淚還入門父母愍我會富貴嫁與西  
舍金王孫念此翻覆復何道百年盛衰誰能保憶  
昨尚如春日花悲今已作秋時草少年去去能停  
鞭人生萬事由上天非我今日獨如此古今歇薄  
皆共然

川上女

川上女晚妝鮮日落青渚試輕楫汀長花滿正廻

船暮來浪起風轉緊自言此去橫塘近綠江無伴  
夜獨行獨行心緒愁無盡

鴈門胡人歌

高山代郡東接燕鴈門胡人家近邊解放胡鷹逐  
塞鳥能將代馬獵秋田山頭野火寒多燒雨一作霧  
裏孤峯濕作煙聞道遼一作關西無鬪戰時時醉向

酒家眠

代閨人荅輕薄少年

妾家近隔鳳凰池粉壁紗牕楊柳垂本期漢代金

吾婿誤嫁長安遊俠兒兒家夫婿多輕薄借客探  
九重然諾平明挾彈入新豐日晚揮鞭出長樂青  
絲白馬冶遊園能使行人駐馬看自矜陌上繁華  
盛不念閨中花鳥闌花間陌上春將晚走馬鬪雞  
猶未返三時出望無消息一去那知行近遠桃李  
花開覆井欄朱樓落日捲簾看愁來欲奏相思曲  
抱得秦箏不忍彈

七夕

長安城中月如練家家此夜持針線仙裙玉珮空

自知天上人間不相見長信深陰夜轉幽瑤階金  
閣數螢流班姬此夕愁無限河漢三更看斗牛

五言律詩

長門怨

君王寵初歇棄妾長門宮紫殿青苔滿高樓明月  
空夜愁生枕席春意罷簾櫳泣盡無人問容華落  
鏡中

王家少婦

十五嫁王昌盈盈入畫堂自矜一作憐年最少復倚

壻為郎舞愛前谿綠歌憐子夜長閑來鬪百草度

日不成妝紀事云李邕聞顯名虛舍待之顯至獻詩首章云十五嫁王昌邕叱曰小兒無

禮不與接而去

岐王席觀妓一作盧女曲

二月春來半宮中日漸長柳垂金屋煖花發一作覆

玉樓香拂匣先臨鏡調笙更炙簧還將歌舞態只

擬奉君王末二句一作長將盧女曲夜夜奉君王

上巳

巳日帝城春傾都被禊晨停車須傍水奏樂要驚

塵弱柳障行騎浮橋擁看人猶言日尚早更向九

龍津

贈梁州張都督

聞君為漢將虜騎罷一作不南侵出塞清沙漠還家

拜羽林風霜臣節苦歲月主恩深為語西河使知

余報國心

寄盧八象

客從巴水渡傳爾泝行舟是日風波霽高唐雨半

收青山滿蜀道綠水向荊州不作書相問誰能慰

別愁

題潼關樓

客行逢雨霽歇馬上津樓山勢雄三輔關門扼九州川從陝路去河遶華陰流向晚登臨處風煙萬里愁

題沈隱侯八詠樓

梁日東陽守爲樓望越中綠牕明月在青史古人空江靜聞山狄川長數塞鴻登臨白雲晚流恨此遺風

晚入汴水

昨晚南行楚今朝北汴河客愁能幾日鄉路漸無多晴景搖津樹春風起棹歌長淮亦已盡寧復畏潮波

發錦沙村

北上途未半南行歲已闌孤舟下建德江水入新安海近山常雨谿深地早寒行行泊不可須及子陵灘

送單于裴都護赴西河

征馬出翩翩城秋月正圓單于莫近塞都護欲臨  
邊漢驛通煙火胡沙泛一作乏井泉功成須獻捷未  
必去經年

七言律詩

黃鶴樓

昔人已乘白雲

一作黃鶴

去此地空餘黃鶴樓黃鶴

一去不復返白雲千載空悠悠晴川歷歷漢陽樹

春

一作

草萋萋鷓鴣洲日暮鄉關何處是

一作

煙

波江上使人愁

嚴滄浪云唐人七言律詩當以崔顥黃鶴樓為第一

人服善李太白登黃鶴樓有眼前有景道不得崔顥題詩在上頭之句至金陵乃作鳳凰臺詩以擬之

行經華陰

岩峩太華俯咸京天外三峯削不成武帝祠前雲  
欲散仙人掌上雨初晴河山北枕秦關險驛樹西  
連漢時平借問路傍名利客無如此處學長生

五言排律

相逢行

妾年初二八家住洛橋頭玉戶臨馳道朱門近御

言終  
盛唐卷之三十一  
十三  
溝使君何暇問大壻大長秋女弟新承寵諸兄近  
拜侯春生百子殿花發五城樓出入千門裏年年  
樂未休

遼西作

燕郊芳歲晚殘雪凍邊城四月青草合遼陽春水  
生胡人正牧馬漢將日徵兵露重寶刀濕沙虛金  
鼓鳴寒衣着已盡春服與誰一作誰與成寄語洛陽使  
爲傳邊塞一作情

奉和許給事夜直簡諸公

西掖黃樞近東曹紫禁連地因才子拜人用省郎  
遷夜直千門靜河明萬象懸建章宵漏急閭闔曉  
鐘傳寵列貂蟬位恩深侍從年九重初起草五夜  
卽成篇顧已無官次循涯但自憐遠陪蘭署作空  
此仰神僊

舟行入剡

鳴棹下東陽回舟入剡鄉青山行不盡綠水去何  
長地氣秋仍濕江風晚漸涼山梅猶作雨谿橘未  
知霜謝客文逾盛林公未可忘多慙越中好流恨

詩紀  
盛唐卷之三十一  
十四  
閱時芳

澄水如鑑

聖賢將立喻上善貯情深潔白依全德澄清有片  
心澆浮知不撓濫濁固難侵方寸懸高鑑生涯詎  
陸沈對泉能自誠如鏡靜相臨廉慎傳家政流芳  
合古今

五言絕句

長干曲四首

一作江  
南曲

君家何處住

一作定  
何處

妾住在橫塘停船暫借問或

恐是同鄉

家臨九江水來去九江側同是長干人生小不相  
識

下渚多風浪蓮舟漸覺稀那能不相待獨自逆一作  
送潮歸

三江湖水急五湖風浪涌由來花性輕莫畏蓮舟  
重

七言絕句

維揚送友還蘇州

詩紀

盛唐卷之三十一

十四



長安南下幾程途得到邗溝弔綠蕪渚畔鱸魚  
上釣羨君歸老向東吳

重

三丘陳木急止賦風氣肅由來芬卦彈莫異

送賦

不哉冬風氣藎來穰覺絲派諱不賦卦彈莫異

瀟

來朝六武木來去武武回回長長干入主不

恐長同際

盛唐第三十二

唐詩紀九十二

滁陽方一元彙編

海寧方天眷重訂

常建

開元十五年進士大曆中為盱眙尉○殷璠云高才無貴士誠哉是言曩劉楨死于文學左思終於記室鮑昭卒於參軍今常建亦淪於一尉悲夫建詩似初發通莊却尋野逕百里之外方歸大道所以其旨遠其興僻佳句輒來惟論意表

五言古詩

春詞三首

菀菀黃柳絲濛濛雜花垂日高紅妝卧倚對樹一作

詩紀

盛唐卷之三十二

一

春光

一作風

遲寧知傍洪水驥裏黃金羈

翳翳陌上桑南枝交北堂美人金梯出素手自提

筐非但為

一作畏

蠶饑盈盈嬌路傍

階下草猶短墻頭梨花白織女高樓上停梭顧行

客問君在何所青鳥舒錦翮

塞上曲

翩翩雲中使來問太原卒百戰苦不歸刀頭怨明

月塞雲隨陣落寒日傍城沒城下有寡妻哀哀哭

枯骨

古意四首

牧馬古道傍道傍多古墓蕭條愁殺人蟬鳴白楊

樹回頭望京邑合沓生塵霧富貴安可常歸來保

貞素

二妃方訪舜萬里南方懸遠道隔江漢孤舟無歲

年不知蒼梧處氣盡呼青天愁淚變楚竹蛾眉喪

湘川後人立為廟累世稱其賢過客設祠祭狐狸

來坐邊懷古未忍還猿吟徹空山

明月照高閣綵女寒羅幕歌舞臨碧雲簫聲沸珠

詩紀

盛唐卷之三十二

二

箔青鸞臨南海天上雙白鶴萬里齊翼飛意求君  
門樂玉霄九重閉金鎖夜不開兩翅自無力愁鳴  
雲外來態深入空貴世屈無良媒俛仰顧中禁東  
飛白玉臺

楚王竟何去獨自留巫山偏使世人見迢迢江漢  
間駐舟春谿裏皆願拜靈顏寤寐見神女金紗鳴  
珮環閑豔絕世姿令人氣力微含笑竟不語化作  
朝雲飛

古興

漢上逢老翁江口爲僵屍白髮沾黃泥遺骸集烏  
鴟機巧自此忘精魄今何之風吹釣竿折魚躍安  
能施白水明汀洲菰蒲冒深陂唯留扁舟影繫在  
長江湄突兀枯松枝悠揚女蘿絲託身難憑依生  
死焉相知徧觀今時人舉世皆爾爲將軍死重圍  
漢卒猶爭馳百馬同一銜萬輪同一規名與身孰  
親君子固宜思

贈三侍御

高山臨大澤正月蘆花乾陽色薰兩崖不改青松

言終  
盛唐卷之三十一  
寒士賢守孤貞古來皆共難明君錯任一作甚才臺

上飛三鸞操與霜雪明量與江海寬束身視天涯  
安能窮波瀾孤鶴在枳棘一枝非所安逸翮望絕  
霄見欲凌雲端層臺何其高山石流洪湍固知非  
天池鳴躍同所歡誰念獨枯槁四十長江干責躬  
貴知己効拙從一官折翮悲高風苦饑候朝餐湖  
月映大海天空何漫漫托身未知所謀道庶不刊  
吟彼喬木詩一夕常三歎

客有自燕而歸哀其老而贈之

羸馬朝自燕一身爲二連憶親拜孤塚移葬雙陵  
前幽願從此畢劔心因獲全孟冬寒氣盛撫轡告  
言旋渴石海北門餘寇惟朝鮮離離一寒騎嫋嫋  
馳白天生別皆自取况爲士卒先寸心漁陽興落  
日旌竿懸

白龍窟汎舟寄天台學道者

夕映翠山深餘暉在龍窟扁舟滄浪意淡淡花影  
沒西浮入天色南望對雲闕因憶莓苔峯初陽濯  
玄髮泉蘿兩幽映松鶴間清越碧海瑩子神玉膏

澤人骨忽然爲枯木微興遂如兀應寂中有天明  
心外無物環迴從所汎夜靜猶不歇澹然意無限  
身與波上月

送陸擢

聖代多才俊一作秀陸生何考槃南山高松樹不合  
空摧殘九月湖上別北風秋雨寒殷勤歎孤鳳早  
食金琅玕

送李十一尉臨谿

泠泠花下琴君唱渡江吟天際一帆影預懸離別

心以言神仙尉因致瑤華音回軫撫商調越谿澄  
碧林

送楚十少府

微風吹霜氣寒影流一作明前除落日未能別蕭蕭  
林木虛愁煙閉千里仙尉其何如因送別鶴操贈  
之雙鯉魚鯉魚在金盤別鶴哀有餘心事則如此  
請君開素書

江上琴興

江上調玉琴一絃清一心泠泠七絃遍萬木澄幽

陰一作音能使江月白又令江水深始知枯桐枝可  
以徽黃金

湖中晚霽

湖廣舟自輕江天欲澄霽是時清楚望氣色猶霾  
暄踟躕金霞白波上日初麗煙虹落鏡中樹木生  
天際杳杳涯欲辨蒙蒙雲復閉言乘星漢明又覩  
寰瀛勢微興從此愜悠然不知歲試歌滄浪清遂  
覺乾坤細豈念客衣薄將期永投袂遲迴漁父  
一鴈聲嘹唳

宿王昌齡隱居

清谿深不測

一作極

隱處惟孤雲松際露微月清光

猶爲君茅亭宿花影藥院滋苔紋余亦謝時去西  
山鸞鶴羣

白湖寺後谿宿雲門

落日山水清亂流鳴淙淙舊蒲雨抽節新花水對  
窓谿中日已沒歸鳥多爲雙杉松引直路出谷臨  
前湖洲渚晚色靜又觀花與蒲入谿復登嶺草淺  
寒流速圓月明高峯春山因獨宿松陰澄初夜曙

色分遠目日出城南隅青青媚川陸亂花覆東郭  
碧氣銷長林四郊一清影千里歸寸心前瞻玉程  
促却戀雲門深畢景有餘興到家彈玉琴

閑齋卧雨行藥至山館稍次湖亭二首

旬時結陰霖簾外初白日齋目清病容心竟畏虛  
室閑梅照前戶明鏡悲舊質同袍四五人何不來  
問疾

行藥至石壁東風變萌芽主人山門綠小隱湖中  
花時物堪獨往春帆宜別家辭君向滄海爛熳從

天涯

仙谷遇毛女意知是秦宮人

谿口水石淺泠泠明藥叢入谿雙峯峻松栝踈幽

風垂嶺枝

一作竹

嫋嫋翳泉花濛濛  
蝨緣霽人目路

盡心彌通盤石橫陽崖前臨

一作流

殊未窮回潭清

雲影瀾漫長天空水邊一神女千歲爲玉童羽毛

經漢代珠翠逃秦宮目覲神已寓鶴飛言未終祈

君青雲秘願謁黃仙翁嘗以耕玉田龍鳴西頂中

金梯與天接幾日來相逢

詩紀

盛唐詩卷之三十三

二

夢太白西峯

夢寐升九崖杳靄逢元君遺我太白峯一作峯寥寥

辭垢氛結宇在星漢宴林閑氤氳檐楹覆餘翠巾

鳥生片雲時往谿谷一作水間孤亭晝仍曛松峯引

天影石瀨清霞文恬目緩舟趣霽心投鳥羣春風

又搖權潭島花紛紛

鄂渚招王昌齡張儉

刈蘆曠野中沙上飛黃雲天晦無精光茫茫悲遠

若楚山隔湘水湖畔落日曛春鴈又北飛音書闕

難聞謫居未為歎讒枉何由分午日逐蛟龍宜為

弔冤文翻覆古共然名宦安足云貧士任枯槁捕

魚清江濱有時荷鋤犁曠野自耕耘不然春山隱

谿澗何氤氳山鹿自有場賢達亦顧羣二賢歸去

來世上徒紛紛

晦日馬鎧曲稍次中流作

夜寒宿蘆葦曉色明西林初日在川上便澄遊子

心晴天無纖翳郊野浮春陰波靜隨釣魚舟小綠

水深出浦見千里曠然諧遠尋扣船應漁父同一作



因唱滄浪吟

宿五度谿仙人得道處

五度谿上花生根依兩崖二月尋片雲願宿秦人家  
家上見懸崖崩下見白水湍仙人彈碁處石上青蘿盤  
無處求玉童翳翳唯林巒前谿遇新月聊取玉琴彈

西山

一身爲輕舟落日西山際常隨去帆影遠接長天  
勢物象歸餘清林巒分夕麗亭亭碧流暗日入孤

霞繼渚日遠陰映湖雲尚明霽林昏楚色來岸遠  
荆門閉至夜轉清迥蕭蕭北風厲沙邊鴈鷺泊宿處  
蒹葭蔽圓月逗前浦孤琴又搖曳冷然夜遂深  
白露霑人袂

第三峯

西山第三頂茅宇依雙松杳杳欲至天雲梯昇幾  
重瑩魄澄玉虛以求鸞鶴蹤逶迤非天人執節乘  
赤龍旁映白日光縹緲輕霞容孤輝上煙霧餘影  
明心曾願與黃麒麟欲飛而莫從因寂清萬象輕

雲自中峯山暝學棲鳥月來隨暗蒼尋空靜餘響  
嫋嫋雲谿鐘

張天師草堂

靈谿宴清宇傍倚枯松根花藥繞方丈瀑泉飛至  
門四氣閉炎熱兩崖改明昏夜深月暫皎亭午朝  
始暎信是天人居幽幽寂無喧萬壑應鳴磬諸峯  
接一覓遂登子因田生樽時節開玉書宵  
映飛天言心化便一作無影目精焉累煩忽而舉  
零漢寥落空南軒

漁浦

春至百草綠陂澤聞鶻鷓別家投釣翁今世滄浪  
情漚紵爲縕袍折麻爲長纓榮譽失本真怪人浮  
此生碧水月自闊安流淨而平扁舟與天際獨往  
誰能名

空靈山應田叟

湖南無村落山舍多黃茅淳朴如太古其人居鳥  
巢牧童唱巴歌野老亦獻嘲泊舟問谿口言語皆  
啞咬土俗不尚農豈暇論肥瘠莫徭射禽獸浮客

烹魚鮫余亦罾且人獲麋今尚苞敬君中國來願  
以充其庖日入聞虎鬪空山滿咆哮懷人雖共安  
異域終難交白水可洗心采薇可爲肴拽策背落  
日江風鳴梢梢

張山人彈琴

君去芳草綠西峯彈玉琴豈惟丘中賞兼得清煩

襟朝從山口還出嶺聞清

幽一作

音了然雲霞氣

一作

照見天地心玄鶴下瀛<sub>一作</sub>翩翩舞松林改絃扣

一作

商聲又聽飛龍吟稍覺此身

一作斬知仙事深

其將鍊金鼎永以

一作

投吾簪

高樓夜彈箏

高樓百餘尺直上江水平明月照人苦開簾彈玉  
箏山高猿狖急天靜鴻鴈鳴曲度猶未終東峯霞  
半生

太公哀晚遇

日出渭流白文王畋獵時釣翁在蘆葦川澤無熊  
羆詔書起遺賢匹馬今致辭因稱江海人臣老筋  
力衰遲遲詣天車快快悟靈龜兵馬更不獵君臣

皆共怡同車至咸陽心影無磷緇四牡玉墀下一  
言爲帝師王侯擁朱門軒蓋耀長遠古來榮華人  
遭遇誰知之落日懸桑榆光景有頓虧倏忽天地  
人雖貴將何爲

昭君墓

漢宮豈不死異域傷獨沒萬里馱黃金蛾眉爲枯  
骨迴車一作夜出塞立馬皆不發共恨丹青人墳  
上哭明月

弔王將軍墓

嫋姚北伐時深入疆一作千里戰餘落日黃軍敗  
鼓聲死嘗聞一作漢飛將可奪單于壘今與山鬼  
鄰殘兵哭遼水

七言古詩

古意

井底玉冰洞地明琥珀轆轤青絲索仙人騎鳳披  
彩霞挽上銀瓶照天閣黃金作身雙飛龍口銜明  
月噴芙蓉一時渡海望不見曉上青樓十二重

古興

言系  
盛唐卷之三十一  
二  
轆轤井上雙梧桐飛鳥銜花日將沒深閨女兒莫  
愁年玉指泠泠怨金碧石榴裙裾蛺蝶飛見人不  
語顰蛾眉青絲素絲紅綠絲織成一作女錦衾當爲  
誰

張公子行

一作古意

日出乘釣舟嫋嫋持釣竿涉淇傍荷花驄馬閑金  
鞍俠客白雲中腰間懸轆轤出門事嫖姚爲君西  
擊胡胡兵漢騎相馳逐轉戰孤軍海西曲一作西海北  
百尺旌竿沈黑雲邊笳落日不堪聞

五言律詩

聽琴秋夜贈寇尊師

琴當秋夜聽况是洞中人一指指應法一聲聲爽  
神寒蟲臨砌默一作急清吹裊燈頻何必鍾期耳高  
閑自可親

送李大都護

單于雖不戰都護事邊深君執幕中祕能爲高士  
心海頭近初月磧裏多愁陰西望郭猶子將分淚  
滿襟

潭州留別

賢達不相識偶然交已深宿帆謁郡佐悵別依禪  
林湘水流入海楚雲千里心望君杉松夜山月清  
猿吟

題破山寺後院

清晨入古寺初日照

一作

高林竹逕通幽處禪房

花木深山光悅鳥性潭影空人心萬籟此俱寂但  
餘鐘磬音

江行

湖四無際此夜泛孤舟明月異方意吳歌令客  
愁鄉園碧雲外兄弟淶江頭萬里無歸信傷心看  
斗牛

讌居

青苔常滿路流水復入林遠與市朝隔日聞雞犬  
深寥寥丘中想渺渺湖上心嘯傲轉無欲不知成  
陸沈

七言絕句

塞下曲四首

言終  
玉帛朝回望帝鄉  
烏孫歸去不稱王  
天涯靜處無  
征戰兵氣銷  
爲日月光

北海陰風動地來  
明君祠上望龍堆  
髑髏皆是長  
城卒日暮沙場飛作灰

龍鬪雌雄勢已分  
山崩鬼哭恨將軍  
黃河直北千  
餘里  
冤氣蒼茫成黑雲

因嫁單于怨在邊  
蛾眉萬古葬胡天  
漢家此去三  
千里  
青塚常無草木煙

塞下

胡裘出漢營  
分麾百道救龍城  
左賢未遁  
斬旌竿折過在將軍不在兵

送宇文六

花映垂楊漢水清  
微風林裏一枝輕  
卽今江北還  
如此愁殺江南離別情

落第長安

家園好  
在尚  
留秦恥作明時失路人恐  
逢故里鶯花笑  
且向長安度一春

題法院

勝景門閑對遠山竹深松老半含煙皎一作皓月  
殿中三度磬水晶宮裏一僧禪

嶺猿

裏裏淒淒一作杳杳清且切鷓鴣飛處又斜陽相思

嶺上相思淚不到三聲合斷腸

三日尋李九莊

雨歇楊林東渡頭永和三日盪輕舟故人家在桃  
花岸直到門前谿水流

戲題湖上

湖上老人坐磯一作島頭湖裏桃花水却流竹竿嫋

嫋白波一作無波際不知何者吞吾鈎方一元

吳故宮

越女歌長君且聽芙蓉香滿水邊城豈知一日終  
非主猶自如今有怨聲



非生斷自咬今有然羶

慈文煇身等且舞芙蓉香漱水豔澁豈味一日滋

吳姑宮

歐白然一刺不味何香吞吾險

賦上美人坐樂一煎賦稟料芥水味或竹竿飲

盛唐第三十三

唐詩紀九十三

滁陽方一元壺

海寧方天眷重訂

岑參

南陽人文本之後天寶中進士試大理評事攝監察御史杜甫薦之轉左補闕起居

郎累遷侍御史出為嘉州刺史退居杜陵山中屬中原多故卒死于蜀有集八卷○杜確

序畧云岑公屬辭尚清用志尚切其有所得多入佳境迴拔孤秀出於常情每一篇絕筆

則人人傳寫雖間里十庶戎夷蠻貊莫不吟習焉○殷璠云參詩語奇體峻意亦造奇

五言古詩

北庭西郊候封大夫受降回軍獻上

胡地首荷美輪臺征馬肥大夫討匈奴前月西出  
師甲兵未得戰降虜來如歸橐駝何連連穹帳亦  
纍纍陰山烽火滅劔水羽書稀却笑霍嫖姚區區  
徒爾爲西郊候中軍平沙懸落暉驛馬從西來雙  
節夾路馳喜鵲捧金印蛟龍盤畫旗如公未四十  
富貴能及時直上排青雲傷看疾若飛前年斬樓  
蘭去歲平月支天子日殊寵朝廷方見推何幸一  
書生忽蒙國士知側身佐戎幕歛衽事邊陲自逐  
定遠侯亦着短後衣近來能走馬不弱并州兒

初至西虢官舍南池呈左右省及南宮諸  
故人

黜官自西掖待罪臨下陽空積犬馬戀豈思鷓鴣  
行素多江湖意偶佐山水鄉滿院池月靜捲簾谿  
雨涼軒牕竹翠濕案牘荷花香白鳥上衣桁青苔  
生筆牀數公不可見一別盡相忘敢恨青瑣客無  
情華省郎早年迷進退晚節悟行藏他日能相訪  
嵩南舊草堂

過梁州奉贈張尚書大夫公

漢中二良將今昔各一時韓信此登壇尚書復來  
斯手把銅虎符身總丈人師錯落北斗星照耀黑  
水湄英雄若神授大材濟時危頃歲遇雷雲精神  
感靈祇勳業振青史恩德繼鴻私羌虜昔未平華  
陽積僵屍人煙絕墟落鬼火依城池巴漢空水流  
袞斜惟鳥飛自公布德政此地生光輝百堵創里  
閭千家恤惻婺層城重鼓角甲士如熊羆坐嘯風  
自調行春雨仍隨芄芄麥苗長藹藹桑葉肥浮客  
相與來羣盜不敢窺何幸承嘉惠小年卽相知富

貴情易踈相逢心不移置酒宴高館嬌歌雜青絲  
錦席繡拂廬玉盤金屈卮春景透高戟江雲篲長  
麾櫪馬嘶柳陰美人映花枝門傳大夫印世擁上  
將旗承家令名揚許國苦節施戎幕寧久駐台階  
不應遲別有彈冠士希君無見遺

登北庭北樓呈幕中諸公

嘗讀西域傳漢家得輪臺古塞千年空陰山獨崔  
嵬二庭近西海六月秋風來日暮上北樓殺氣凝  
不開大荒無鳥飛但見白龍堆舊國眇天末歸心

日悠哉上將新破胡西郊絕煙埃邊城寂無事撫  
劍空徘徊幸得趨幕中託身厠羣才早知安邊計  
未盡平生懷

初過隴山途中呈宇文判官

一驛過一驛驛騎如星流平明發咸陽暮及隴山  
頭隴水不可聽嗚咽令人愁沙塵撲馬汗霧露凝  
貂裘西來誰家子自道新封侯前月發安西路十  
無停留都護猶未到來時在西州十日過沙磧終  
朝風不休馬走碎石中四蹄皆血流萬里奉王事

一身無所求也知塞垣苦豈爲妻子謀山口月欲

出先照關城樓谿流與松風靜夜相颼颼別

家一作賴歸夢山塞多離憂與子且攜手不愁前

路脩

陪狄員外早秋登府西樓因呈院中諸公

常愛張儀樓西山正相當千峯帶積雪百里臨城  
墻煙氛掃晴空草樹映朝光車馬隘百井里閑盤  
二江亞相自登壇時危安此方威聲振蠻貊惠化  
鍾華陽旌節羅廣庭戈鋌凜秋霜階下貔虎士幕

中鷓鷯行今我忽登臨顧恩不望鄉知己猶未報  
鬢毛颯已蒼時命難自知功業豈暫忘蟬鳴秋城  
夕鳥去江天長兵馬休戰爭風塵尚蒼茫誰當共  
攜手賴有冬官郎

秋夜宿仙遊寺南涼堂呈謙道人

太乙連太白兩山知幾重路盤石門窄匹馬行才  
通日西到山寺林下逢支公昨夜山北時星星聞  
此鐘秦女去已久仙臺在中峯簫聲不可聞此  
畱遺蹤石潭積黛色每歲投金龍亂流爭迅湍

薄如雷風夜來聞清磬月出蒼山空空山滿清光  
水樹相玲瓏迴廊映密竹秋殿隱深松燈影落前  
谿夜宿水聲中愛茲林巒好結宇向谿東相識唯  
山僧鄰家一釣翁林晚栗初拆枝寒梨已紅物幽  
興易愜事勝趣彌濃願謝區中緣永依金人宮寄  
報乘輦客簪裾爾何容

潼關鎮國軍勾覆使院早春寄王同州

胡寇尚未盡大軍鎮關門旌旗遍草木兵馬如雲  
屯聖朝正用武諸將皆承恩不見征戰功但聞歌

吹喧儒生有長策，閉口不敢言。昨從關東來，思與  
故人論。何爲廊廟器，至今居外藩。黃霸寧淹留，蒼  
生望騰騫。卷簾見西岳，仙掌明朝暎。昨夜聞春風，  
戴勝過後園。各自限官守，何由叙涼溫。離憂不可  
忘，襟背思樹萱。

青山峽口泊舟懷狄侍御

峽口秋水壯沙邊，且停橈奔濤。振石壁峯勢如動，  
搖九月蘆花新。彌令客心焦，誰念在江島。故人滿  
天朝，無處豁心留。憂來醉能銷，往來巴山道。三見

秋草彫狄生，新相知才調。凌雲霄賦詩，析造化入  
幕生。風飈把筆判甲兵，戰士不敢驕。皆云梁公後  
遇鼎，還能調。離別倏經時，音塵殊寂寥。何當見天  
子，不歎鄉關遙。

寄青城龍谿真道人

五嶽之丈人，西望青萋萋。一作雲開露崖嶠，百里

見石稜。龍谿盤中峯，上有蓮華僧。絕頂小一作蘭

若四時嵐氣一作翠。疑身同雲虛，無心與谿清。澄誦

戒龍每聽賦，詩人則稱杉。風吹袈裟石，壁懸孤燈

久欲謝微祿誓將歸大乘願聞開士說庶以心相應

梁州對雨懷麴二秀才便呈麴大判官時疾贈余新詩

江上雲氣黑岬山昨夜雷水惡平明飛雨從嶓冢  
來濛濛隨風過蕭颯鳴庭槐隔簾濕衣巾當暑涼  
幽齋麴生任相近言語阻且乖卧疾不見人午時  
門始開終日看本草藥苗滿前階兄弟早有名甲  
科皆秀才二人事慈母不弱古老萊昨歎攜手遲  
未盡平生懷愛君有佳句一日吟幾迴

潼關使院懷王七季友

王生今才子

一作人

一作

時輩咸所仰何當見顏色終日

勞夢想驅車到關下欲往阻河廣滿目徒春華思  
君罷心賞開門見太華朝日映高掌忽覺蓮花峯  
別來更如長無心顧微祿有意在獨往不負林中  
期終當出塵網

至

一作官

大梁却寄匡城主人

一從棄魚釣十載干明王無由謁天階却欲歸滄

浪仲秋至東郡遂見天雨霜昨日夢故山蕙草一作  
蕙芳色已黃平明辭鐵丘薄暮遊大梁仲秋蕭條景  
拔刺飛鵝鶴四郊陰氣一作氣閉萬里無晶光長風  
吹白茅野火燒枯桑故人南燕吏籍籍名更香聊  
以玉壺贈置之君子堂

宿華陰東郭客舍憶閻防

次舍山郭近解鞍鳴鐘時主人炊新粒行子充夜  
饑關月生首陽照見華陰祠蒼茫秋山晦蕭瑟寒  
松悲久從園廬別遂與朋知辭舊壑蘭杜晚歸軒

今已遲

宿東谿王屋李隱者

山店不鑿井百家同一泉晚來南村黑雨色和人  
煙霜畦吐寒菜沙鴈噪河田隱者不可見天壇飛  
鳥邊

郊行寄杜位

嶮崿空城煙淒清一作涼寒山景秋風引歸夢昨夜  
到汝潁近寺聞鐘聲映陂見樹影所思何由見東  
北徒引領



懷葉縣關操姚曠韓涉李叔齊

數子皆故人一時吏宛葉經年總不見書札徒滿  
篋斜日半空庭旋風走梨葉去君千里地言笑何  
時接

西蜀旅舍春歎寄朝中故人呈狄評事

春與人相乖柳青頭轉白生平未得意覽鏡私自  
惜四海猶未安一身無所適自從兵戈動遂覺天  
地窄功業悲後時光陰歎虛擲却爲文章累幸有  
開濟策何負當途人心無矜窘厄回瞻後來者皆

欲肆轡轡起草思南宮寄言憶西掖時危任舒卷  
身退知損益窮巷草轉深閉門日將夕橋西暮雨  
黑籬外春江碧昨者初識君相看俱是客聲華同  
道術世業通往昔早須歸天階不得安孔席吾先  
稅歸鞅舊國如咫尺

宿太白東谿李老舍卽事寄弟姪

渭上秋雨過北風何騷騷天晴諸山出太白峯最  
高主人東谿老兩耳生長毫遠近知百歲子孫皆  
二毛中庭井欄上一架獼猴桃石泉飯香粳酒甕

開新糟愛茲田中趣始悟世上勞我行有勝事書  
此寄爾曹

上嘉州青衣山中峯題惠淨上人幽居寄

兵部楊郎中 并序

青衣之山在大江之中屹然迴絕崖壁蒼峭周  
廣七里長波四匝有惠淨上人廬于其顛唯繩  
牀竹杖而已恒持蓮花經十年不下山予自公  
浮舟聊一登眺友人夏官弘農楊侯清談之士  
也素工爲文獨立於世與余有方外之約每多

獨往之意今者幽躅勝槩歎不得與此公俱爰  
命小吏刮磨石壁以識其事乃詩以 一作 達楊  
友爾

青衣誰開鑿獨在水中央浮舟一躋攀側逕緣 一作

穹蒼絕頂詰 一作 老僧豁然登上方諸嶺一何

小三江奔茫茫蘭若向西開峨眉正相當猿鳥樂  
鐘磬松蘿泛天香江雲入袈裟山月吐繩牀早知  
清淨理久乃機心忘尚以名宦拘聿來夷獠鄉吾  
友不可見鬱爲尚書郎早歲愛丹經畱心向青囊

言  
盛唐卷之三十三  
十一  
渺渺雲智遠幽幽海懷長勝賞欲與俱引領遙相望  
爲政愧無術分憂幸時康君子滿天朝老夫憶  
滄浪况值廬山遠抽簪歸法王

入劔門作寄杜楊二郎中時二公並爲杜  
元帥判官

不知造化初此山誰開坼雙崖倚天立萬仞從地  
劈雲飛不到頂鳥去難過壁速駕畏巖傾單行愁  
路窄平明地仍黑停午日暫赤凜凜三伏寒巉巖  
五丁迹與時忽開閉作固或順逆磅礴跨岷峨

蟠限蠻貊星當觜參分地處西南僻陟覺煙景殊  
杳將華夏隔劉氏昔顛覆公孫曾敗績始知德不  
修恃此險何益相公總師旅遠近罷金革杜母來  
何遲蜀人應更惜暫回丹青慮少用開濟策二友  
華省郎俱爲幕中客良籌佐戎律精理皆碩畫高  
文出詩騷粵學窮討贖聖朝無外戶寰宇被德澤  
四海今一家徒然劔門石

鞏北秋興寄崔明允

白露披梧桐玄蟬晝夜號秋風萬里動日暮黃雲

言終  
高君子佐休明小人事蓬蒿所適在魚鳥焉能狗  
錐刀孤舟向廣武一鳥歸成臯勝槩日相與思君  
心鬱陶

春遇南使貽趙知音

端居春心醉襟背思樹萱美人在南州爲爾歌北  
門北風吹煙物戴勝鳴中園枯楊長一作新條芳  
草滋舊根網絲結寶琴塵埃被空樽適遇江海信

聊與南客論

冀州客舍酒酣貽王綺寄題南樓

夫子傲常調詔書下徵求知君欲謁帝秣馬趨西  
周逸足何駸駸美聲實風流學富瞻清詞下筆不  
能休君家一何盛赫奕難爲儔伯父四五人同時  
爲諸侯憶昨始相值值君客貝丘相看復乘興攜  
手到冀州前日在南縣與君上北樓野曠不見山  
白日落草頭客舍梨花繁深花隱鳴鳩南鄰新酒  
熟有女彈箜篌醉後或狂歌酒醒滿離憂主人不  
相識此地難淹留吾廬終南下堪與王孫遊何當  
肯相尋灋上一孤舟

終南雲際精舍尋法澄上人  
不遇歸高冠  
東潭石淙望秦嶺微雨作  
貽友人

昨夜雲際宿旦從西峯回  
不見林中僧微雨潭上來  
諸峯皆青翠秦嶺獨不開  
石鼓有時鳴秦王安在哉  
東南雲開處突兀獼猴臺  
崖口懸瀑流半空白皚皚  
河嶽英靈無以上四句有水  
深斷山口乳沫相喧歷二句  
噴壁四時雨  
傍村終日雷北瞻長安道  
日夕生塵埃若訪張仲蔚  
衡門滿蒿萊

敬酬杜華淇上見贈兼呈熊曜

杜侯寔才子盛名不可及  
稔曾效一作一官今已

年四十是君同時者已有尚書郎  
憐君獨未遇淹泊在他鄉  
我從京師來到此喜相見  
共論窮途事不覺淚滿面  
憶昨癸未歲吾兄自江東  
得君江湖詩骨氣凌謝公  
熊生尉淇上開館常待客  
喜我二人來歡笑朝復夕  
縣樓壓春岸戴勝鳴花枝  
吾徒在舟中縱酒兼彈碁  
三月猶未還客愁滿春草  
賴蒙瑤華贈諷詠慰懷抱

酬成少尹駱谷行見呈

詩紀 屈居卷之三十三  
聞君行路難惆悵臨長衢豈不憚險艱王程剩相  
拘憶昨蓬萊宮新授刺史符明主仍賜衣價直千  
萬餘何幸承命日得與夫子俱攜手出華省連鑣  
赴長途五馬當路嘶按節投蜀都千崖一作巖信縈  
拆一徑何盤紆層冰滑征輪密竹礙隼旟深林迷  
昏日棧道凌空虛飛雪縮馬毛烈風擘我膚峯攢  
望天小亭午見日初夜宿月近人朝行雲滿車泉  
澆石罅坼火入松心枯亞尹同心者風流賢大夫  
榮祿上及親之官隨板輿高價振臺閣清詞出應

徐成都春酒香且用俸錢沽浮名何足道海上堪  
乘桴

號中酬陝西甄判官見贈

微才棄散地拙宦慙清時白髮徒自負青雲難可  
期胡塵暗東洛亞相方出師分陝振鼓鼙二嶠滿  
旌旗夫子廊廟器迴然青冥姿闔外佐戎律幕中  
吐兵竒前者驛使來忽枉行軍詩晝吟庭花落夜  
諷山月移昔君隱蘇門浪跡不可羈詔書自徵用  
令譽天下知別來春草長東望轉相思寂寞山城

暮空聞畫角悲

世兵尚海峽對來必珠行軍備畫令致濟谷  
致致夫子瀛海器匪寒青冥交關長武文幹幕中  
淇脂塾部東各亞休六出响令刻赫赫羣二敵敵  
燧木棄婿此此宜曠青觀白燙於自負青雲蟻下  
聖天小辨中咽刺西理民官良韻  
乘新  
森泓借春醅香且用樹凝古彩谷何及能燕上

盛唐第二十四

唐詩紀九十四

滁陽方一元彙編

海寧方夫眷重訂

岑參

五言古詩

送許子擢第歸江寧拜親因寄王大昌齡

建業控京口金陵欵滄溟君家臨秦淮傍對石頭  
城十年自勤學一鼓遊上京青春登甲科動地聞  
香名解榻皆五侯結交盡羣一作英六月槐花飛

詩紀

盛唐卷之三十四

一

忽思尊菜羹跨馬出國門丹陽返柴荆楚雲引歸  
帆淮水浮客程到家拜親時入門有光榮鄉人盡  
來賀置酒相邀迎閑眺北顧樓一作登江樓醉眠  
湖上亭月從海門出照見茅山青昔爲帝王州今  
幸天地一作平五朝變人世千載空江聲玄元告  
靈符丹洞獲其銘皇帝受玉冊羣臣羅天庭喜氣  
薄太陽祥光徹宵冥奔走朝萬國崩騰集百靈王  
兄尚謫宦屢見秋雲生孤城帶後湖心與湖水清  
一縣無諍辭有時開道經黃鶴垂兩翅徘徊但悲

一作悲且鳴相思不可見空望牛女星

武威送劉單判官赴安西行營便呈高開  
府

熱海亘鐵門火山赫金方白草磨天涯胡沙莽茫  
茫夫子佐戎幕其鋒利如霜中歲學兵符不能守  
文章功業須及時立身有行藏男兒感忠義萬里  
忘越鄉孟夏邊候遲胡國草木長馬疾過飛鳥天  
窮超夕陽都護新出師五月發軍裝甲兵二百萬  
錯落黃金光揚旗拂崑崙伐鼓震蒲昌太白引官



言終  
軍天威臨大荒西望雲似蛇戎夷知喪亡  
渾驅大宛馬繫取樓蘭王曾到交河城風士斷人腸  
寒驛遠如點邊烽互相望赤亭多颼風鼓怒不可當  
有時無人行沙石亂飄揚夜靜天蕭條鬼哭夾道傷  
地上多髑髏皆是古戰場置酒高館夕邊城月蒼  
蒼軍中宰肥牛堂上羅羽觴紅燭金燭盤嬌歌豔  
新妝望君仰青冥短翮難可翔蒼然西郊道握手  
何慨慷

送王大昌齡赴江寧

對酒寂不語悵然悲

一作愁

送君明時未

一作不

得用

白首徒攻文澤國從一官滄波幾千里羣公滿天

闕

一作闕下

獨去過淮水舊家富春渚嘗憶卧江樓自

聞君欲行頻望南徐州窮巷獨閉門寒燈靜深屋

北風吹微雪抱被肯同宿君行到京口正是桃花

時舟中饒孤興湖上多新詩潛虬且深蟠黃鵠舉

未晚

一作黃鶴飛來晚

惜君青雲器努力加餐飯

送祁樂歸河東

祁樂後來秀挺身出河東往年詣驪山獻賦溫泉

宮天子不召見揮鞭遂從戎前月還長安囊中金  
已空有時忽乘輿盡出江上峯牀頭蒼梧雲簾下  
天台松忽如高堂上颯颯生清一作江風五月火雲  
屯氣燒天地紅鳥且不敢飛子行如轉蓬少華與  
首陽隔河勢爭雄新月河上出清光滿關中置酒  
灞亭別高歌披心曾君到故山時爲謝五老翁一作

爲君謝  
老翁

### 北庭貽宗學士道別

萬事不可料歎君在軍中讀書破萬卷何事來從

戎曾逐李輕車西征出太蒙荷戈月窟外擐甲崑  
崙東兩度皆破胡朝廷輕戰功十年祇一命萬里  
如飄蓬容鬢老胡塵衣裘脆邊風忽來輪臺下相  
見披心曾飲酒對春草彈碁聞夜鐘今且還龜茲  
臂上懸角弓平沙向旅館匹馬隨飛鴻孤城倚大  
碛海氣迎邊空四月猶自寒天山雪濛濛君有賢  
主將何謂泣途窮時來整六翮一舉凌蒼穹

### 送許拾遺恩歸江寧拜親

詔書下青瑣駟馬還吳洲束帛仍賜衣恩波漲滄

言終  
屈唐卷之三十四  
四  
流微祿將及親向家非遠遊看君五斗米不謝萬  
戶侯適出西掖垣如到南徐州歸心望海日鄉夢  
登江樓大江盤金陵諸山橫石頭楓樹隱茅屋橘  
林繫漁舟種藥疏故畦釣魚垂舊釣對月京口夕  
觀濤海門秋天子憐諫官論事不可肯一作休早來  
丹墀下高駕無淹留

號州郡齋南池幽興因與閣二侍御道別  
池色淨天碧水涼雨淒淒快風從東南荷葉翻向  
西性本愛魚鳥未能返巖谿中歲狗微官遂令心

賞睽及茲佐山郡不異尋幽棲小吏趨竹徑訟庭  
侵藥畦胡塵暗河洛二陝震鼓鼙故人佐戎軒逸  
翮凌雲霓行軍在函谷兩度聞鶯啼相看紅旗下  
飲酒白日低聞君欲朝天駟馬臨道嘶仰望浮與  
沈忽如雲與泥夜眠驛樓月曉發關城雞惆悵西  
郊暮鄉書對君題

青龍招提歸一上人遠遊吳楚別詩

又交應真侶最歎青龍僧棄官向二年削髮歸一  
乘了然瑩心身潔念樂空寂名香泛牕戶幽磬清

曉夕往年杖一劍由是佐二庭於焉久從戎兼復  
解論兵世人猶未知天子願相見朝從青蓮宇暮  
入白虎殿宮女擎錫杖御筵出香爐說法開藏經  
論邊窮陣圖忘機厭塵喧浪迹向江海思師石可  
訪惠遠峯猶在今旦飛錫去何時持鉢還湖煙冷  
吳門淮月銜楚山一身如浮雲萬里過江水相思  
眇天外一作南望無窮已

送李翥遊江外

相識應十載見君只一官家貧祿尚薄霜降衣仍

單惆悵秋草死蕭條芳歲闌且尋滄洲路遙指

一作

望吳雲端匹馬關塞遠孤舟江海寬夜眠楚煙濕

曉飯湖山寒砧淨紅鱸落袖香朱橘團帆前見禹  
廟枕底聞嚴灘便獲賞心趣豈歌行路難青門須  
醉別少爲解征鞍

送王著作赴淮西幕府

燕子與百勞一西復一東天空信寥廓翔集何時  
同知己悵難遇良朋非易逢憐君心相親與我家  
又通言笑日無度書札凡幾封湛湛萬頃陂森森

言紀 孟唐卷之三十四 六  
千丈松不知有機巧無事于心曾滿堂皆酒徒豈  
復羨王公早年抱將畧累歲依幕中昨者從淮西  
歸來奏邊功承恩長樂殿醉出明光宮逆旅悲寒  
蟬客夢驚飛鴻發家見春草却去聞秋風月色冷  
楚城淮光透霜空各自務功業當須激深衷別後  
能相思何嗟山水重

送張秘書克劉相公通汴河判官便赴江

外覲省

前年見君時見君正泥蟠去年見君處見君已風

搏朝趨赤墀前高視青雲端新登麒麟閣適脫獬  
豸冠劉公領舟楫汴水揚波瀾萬里江海通九州  
天地寬昨夜動使星今日送征鞍老親在吳郡令  
弟雙同官鱸膾剩堪憶尊羹殊可餐既參幕中畫  
復展膝下歡因送故人行試歌行路難何處路最  
難最難在長安長安多權貴珂珮聲珊珊儒生直  
如弦權貴不須干斗酒取一醉孤琴爲君彈臨岐  
欲有贈持以握中蘭

冬宵家會餞李郎司兵赴同州

急管雜青絲玉瓶金屈卮寒天高堂夜撲地飛雪  
時賀君關西椽新綬腰下垂白面皇家郎逸翮青  
雲姿明日旦之官去他辰良會稀惜別冬夜短務歡  
杯行遲季女猶自小老夫未令歸且看匹馬行不  
得鳴鳳飛昔歲到馮翊人煙接京師曾上月樓頭  
遙見西嶽祠沙苑逼官舍蓮峯壓城池多暇或自  
公讀書復彈棊州縣信徒勞雲霄亦可期應須力  
爲政聊慰此相思

送顏平原

并序

十二年春有詔補尚書十數公爲郡守上親賦  
詩觴羣公宴于蓬萊前殿仍贈以繪帛寵餞加  
等參美顏公是行爲寵別章句

天子念黎庶詔書換諸侯仙郎授剖符華省輟分  
憂置酒會前殿賜錢若山丘天章降三光聖澤該  
九州吾兄鎮河朔拜命宣皇猷駟馬辭國門一星  
東北流夏雲照銀印暑雨隨行輶赤筆仍在篋鑪  
香惹衣裘此地鄰東溟孤城弔滄洲海風掣金戟  
導吏呼鳴騶郊原北連燕剗劫風未休魚鹽隘

言  
巷桑柘盈田疇爲郡豈淹旬政成應未秋易俗去  
猛虎化人似馴鷗蒼生已望君黃霸寧久留

送狄員外巡按西山軍

兵馬守西山中國非得計不知何代策空使蜀人  
弊八州崖谷深千里雲雪閉泉澆閣道滑水凍繩  
橋脆戰士常苦饑糗糧不相繼胡兵猶不歸空山  
積年歲儒生識損益言事皆審諦狄子幕府郎有  
謀必康濟曾中懸明鏡照耀無巨細莫辭冒險艱  
可以裨節制相思江樓夕愁見月澄霽

虢州送鄭興宗弟歸扶風別廬

佐郡已三載豈能長後時出關少親友賴汝常相  
隨今日忽言別愴然俱淚垂平生滄洲意獨有青  
山知州縣不敢說雲霄誰敢期因懷東谿老最憶  
南峯緇爲我多種藥還山應未遲

澧頭送蔣侯

君住澧水北我家澧水西兩村辨喬木五里聞鳴  
雞飲酒谿雨過彈棊山月低徒聞蔣生徑爾去誰  
相攜

送永壽王贊府逕

一作逕

歸縣

得蟬字

當官接閑暇暫得歸林泉  
百里路不宿兩鄉山復  
連夜深露濕簟月出風驚蟬  
且盡主人酒爲君從  
醉眠

南池宴餞辛子賦得蛭斗子

臨池見蛭斗羨爾樂有餘  
不憂網與釣幸得免爲  
魚且願充文字登君尺素書

登嘉州凌雲寺作

寺出飛鳥外青峯戴朱樓  
搏壁躋半空喜得登上

頭始知宇宙闊下看二江流  
天晴見峨眉如向波  
上浮迴曠煙景豁陰森棕枿稠  
願割區中緣永從  
塵外遊迴風吹虎穴片雨當龍湫  
僧房雲濛濛夏  
月寒颼颼迴合俯近郭寥落見遠舟  
勝槩無端倪  
天宮可淹畱一官詎足道欲去令人愁

與高適薛據登慈恩寺浮圖

塔勢如湧出孤高聳天宮  
登臨出世界磴道盤虛  
空突兀壓神州崢嶸如鬼工  
四角礙白日七層摩  
蒼穹下窺指高鳥俯聽聞驚風  
連山若波濤奔湊



似朝東青槐夾馳道宮館何玲瓏秋色從西來蒼  
然滿關中五陵北原上萬古青濛濛淨理了可悟  
勝因夙所宗誓將挂冠去覺道資無窮

登千福寺楚金禪師法華院多寶塔

多寶滅已久蓮華付吾師寶塔凌太空忽如湧出  
時數年功不成一志堅自持明主親夢見世人今  
始知千家獻黃金萬匠磨琉璃既空泰山木亦罄  
天府贊焚香如雲屯幡蓋珊珊垂悉率神繞一作統  
護衆魔不敢窺作禮覩靈境焚香方證疑庶割區

中緣脫身恒在茲

出關經華嶽寺訪法華雲公

野寺聊解鞍偶見法華僧開門對西嶽石壁青稜  
層竹徑厚蒼苔松門盤紫藤長廊列古畫高殿懸  
孤燈五月山雨熱三峯火雲蒸側聞樵人言深谷  
猶積冰久願尋此山至今嗟未能謫官忽東走王  
程苦相仍欲去戀雙樹何由窮一乘月輪吐山郭  
夜色空清澄

春半與羣公同遊元處士別業

郭南處士宅門外羅羣峯勝槩忽相引春華今正  
濃山厨竹裏爨野碓藤間春對酒雲數片捲簾花  
萬重巖泉嗟到晚州縣欲歸慵草色帶朝雨灘聲  
兼夜鐘愛茲清俗慮何事老塵容况有林下約轉  
懷方外蹤

陪羣公龍岡寺泛舟

漢水天一色寺樓波底看鐘鳴長空夕月出孤舟  
寒映酒見山火隔簾聞夜灘紫鱗掣芳餌紅燭然  
金盤良友與正愜勝遊情未闌此中堪倒載須盡

主人歡

終南山雙峯草堂作

歛跡歸山田息心謝時輩晝還草堂卧但與雙峯  
對興來恣佳遊事愜符勝槩著書高牕下日夕見  
城內曩爲世人誤遂負平生愛久與林壑辭及來  
松杉大偶茲精廬近數預名僧會有時逐樵漁盡  
永一作日不冠帶崖口上新月石門破蒼靄色向羣  
木深一作沈光搖一潭碎緬懷鄭生谷頗憶嚴子瀨  
勝事猶可追斯人邈千載

言  
左僕射相國冀公東齋幽居

丞相百僚長兩朝居此宮成功雲雷際翊聖天地  
安不矜南宮貴祗向東山看宅占鳳城勝牕中雲  
領寬午時松軒夕六月藤齋寒玉珮胷女蘿金印  
耀牡丹山蟬上衣析野鼠緣藥盤有時披道書竟  
日不着冠幸得趨省闈常欣在門闌何當復持衡  
短翮期風搏

過緱山王處士黑石谷隱居

舊居緱山下偏識緱山雲處士久不還見雲如見  
君別來逾十秋兵馬日紛紛青谿開戰場黑谷屯  
行軍遂令巢由輩遠逐麋鹿羣獨有南澗水潺湲  
如昔聞

緱山西峯草堂作

結廬對中嶽青翠常在門遂耽水木興盡作漁樵  
言頃來闕章句但欲閑心曩日色隱空谷蟬聲喧  
暮村曩聞道士語偶見清淨源隱几閱吹葉乘秋  
眺歸根獨遊念求仲開徑招王孫片雨下南澗孤  
峯出東原棲遲慮益澹脫畧道彌敦野靄晴拂枕

客帆遙入軒尚平今何在此意誰與論佇立雲去  
盡蒼蒼月開園

觀楚國寺璋上人寫一切經院南有曲池  
深竹

璋公不出院羣木閉深居誓寫一切經欲向萬卷  
餘揮毫散林鵲研墨警池魚音翻四句偈字譯五  
天書鳴鐘竹陰晚汲水桐花初雨氣潤衣鉢香煙  
泛庭除此地日清淨諸天應未如不知將錫杖早  
晚躡空虛

尋鞏縣南李處士別業

先生近南郭茅屋臨東川桑葉隱村戶蘆花映釣  
船有時著書暇盡日窓中眠且喜間井近灌田同  
一泉

聞崔十二侍御灌口夜宿報恩寺

聞君尋野寺便宿支公房谿月冷深殿江雲擁迴  
廊然燈松林靜煮茗柴門香勝事不可接相思幽  
興長

自潘陵尖還少室居止秋夕憑眺

草堂近少室夜靜聞風松月出潘陵尖照見十六  
 峯九月山葉赤谿雲淡秋容火點伊陽村煙深嵩  
 角鐘尚子不可見蔣生難再逢勝愜只自知佳趣  
 為誰濃昨詣山僧期上到天壇東向下望雷雨雲  
 間見回龍夕與人羣踈轉愛丘壑中心澹水木會  
 興幽魚鳥通稀微了自釋出處乃不同况本無宦  
 情誓將依道風

南池夜宿思王屋青蘿舊齋

池上卧煩暑不櫛復不巾有時清風來自謂羲皇

人天晴雲歸盡雨洗月色新公事常不閑道書日  
 生塵早年家王屋五别青蘿春安得還舊山東谿  
 垂釣綸

過王判官西津所居

勝迹不在遠愛君池館幽素懷巖中諾死得塵外  
 遊何必到清谿忽來見滄洲潛移岷山石暗引巴  
 江流樹密晝先夜竹深夏已秋沙鳥上筆牀谿花  
 簞簾鈎夫子賤簪冕注心向林丘落日出公堂垂  
 綸乘釣舟賦詩憶楚老載酒隨江鷗翛然一傲吏

言  
獨在西津頭

因假歸白閣西草堂

雷聲傍太白雨在八九峯東望白閣雲半入紫閣  
松勝槩紛滿目衡門趣彌濃幸有數畝田得延二  
仲蹤早聞達士語偶與心相通誤狗一微官還山  
愧塵容釣竿不復把野碓無人春惆悵飛鳥盡南  
谿聞夜鐘

題華嚴寺瓌公禪房

寺南幾十峯峯翠晴可掬朝從老僧飯昨日崖口

宿錫杖倚枯松繩牀映深竹東谿草堂路來往行  
自熟生事在雲山誰能復羈束

東歸畱題太常徐卿草堂

不謝古名將吾知徐太常年纔三十餘勇冠西南  
方項曾策匹馬獨出持兩槍虜騎無數來見君不  
敢當漢將小衛霍蜀將凌關張卿月益清澄將星  
轉光芒復居少城北遙對岷山陽車馬日盈門賓  
客常滿堂曲池蔭高樹小徑穿叢篁江鳥飛入簾  
山雲來到牀題詩芭蕉滑對酒棕花香諸將射獵

言終  
時君在翰墨場聖主賞勳業邊城最輝光與我情  
網繆相知久芬芳忽作萬里別東歸三峽長

太一石鱉崖口潭舊廬招王學士

驟雨鳴淅瀝颼颼谿谷寒碧潭千餘尺下見蛟龍  
蟠石門吞衆流絕岸呀層巒幽趣倏萬變竒觀非  
一端偶逐干祿徒十年皆小官抱板尋舊圃弊廬  
臨迅湍君子滿清朝小人思挂冠釀酒漉松子引  
泉通竹竿何必濯滄浪不能釣嚴灘此地可遺老  
勸君來考槃

林卧

偶得魚鳥趣復茲水木涼遠峯帶雨色落日搖川  
光白中西山藥袖裏淮南方唯愛隱几時獨遊無  
何鄉

太一石堂崖口潭舊處招王學士

巖口鳴沙瀝風嵐豁谷寒碧潭千餘尺下見蛟龍

石門吞泉流絕岸呀層巒幽趣倏萬變奇觀非

河灘

光白中西山藥麻稟卦南大埠愛淵八却澗遊無

聞縣魚宮以激射茲水木京遠峯帶雨色暮日銜川

林恒



